





Il Strolc Furlan

Pal 1954









4 meses

AL STROLIC FURLAN

Suplement a «Sot la nape» 1953

Spedizione in abbonamento postale IV. gr.



I BAMBINI
CI GUARDANO

CON INVIDIA
PERCHÉ GUSTIAMO UN

APERITIVO

*tratto dai distillati
di frutta e di erbe alpine*



S. A. DISTILLERIE CANDOLINI TARGENTO (Udine)



Furlans,

a Vignesie us spiete la

TRATORIE DE COLOMBE

di Arturo Deana, paròn furlan

SAN MARCO, PISCINA DI FREZZERIA N. 1665

ERCOLE MARELLI & C.

S. p. A.

MILANO

MOTORI - POMPE - VENTILATORI - TRASFORMATORI -
ALTERNATORI - PICCOLE MACCHINE ELETTRICHE

AEROTECNICA MARELLI - MILANO

CONSULENZA - APPARECCHI - IMPIANTI - AEROTER-
MI-ASPIRAZIONE - ESSICCAZIONE - CONDIZIONA-
MENTO - VENTILAZIONE

RADIOMARELLI - MILANO

TELEVISORI - APPARECCHI RADIO E RADIOGRAMMOFONI

I. C. A. R. - MILANO

INDUSTRIA CONDEN. APPLICAZ. RADIOELETTRICHE
RIFASAMENTO INDUSTRIALE

FOLKMOTOR - MILANO

MOTORI A SCOPPIO - IMPIANTI IRRIGAZIONE A PIOG-
GIA E A CANALE - MOTOPOMPE

LA TELEMECANICA ELETTRICA - MILANO

Ing. AMATI & GREGORINI

APPARECCHIATURE ELETTRICHE AUTOMATICHE PER IM-
PIANTI DI TERRA E DI BORDO

RAPPRESENTANZE PER LA PROVINCIA DI UDINE

COSATTI & dott. ing. SALVO

UDINE - Via Carducci, 5 - Telefono 71-03



Special Bire furlane
UDIN Moretti 1859

Cooperativa Friulana di Consumo

Società Cooperativa a resp. limitata con sede in Udine

DIREZIONE E MAGAZZINO:

UDINE: Viale Duodo, 3 a - tel. 2309

PANIFICIO MECCANICO ED AUTOMATICO:

Viale Duodo - tel. 2309

LABORATORIO MECCANICO DI SUINERIA E CELLE
FRIGORIFERE PER LA CONSERVAZIONE DE-
GLI INSACCATI: Viale Duodo, 3 a.

NEGOZI VENDITA GENERI ALIMENTARI IN UDINE:


*Via Bonaldo Stringher, tel. 6068 - Via Rialto, tel.
2695 - Piazzale Osoppo, tel. 3764 - Piazzale Chiavris
- Via T. Deciani - Via Pracchiuso, tel. 6145 - Via
Voluturno - Via Pozzuolo (San Osvaldo), tel. 3762
- Riva Bartolini - Paderno - Via Zanon.*

*In CIVIDALE: Piazzale Paolo Diacono, telef. 77.
A TRICESIMO - A MANZANO, telef. 8.*

MACELLERIA IN UDINE: *Via Bonaldo Stringher.*

RIVENDITE PANE DISTRIBUITE

NELLE VARIE ZONE DELLA CITTA'



CASSA DI RISPARMIO DI UDINE

FONDATA NELL'ANNO 1876

Premiata dal Ministero con Medaglia d'oro - Partecipante all'Istituto Federale delle Casse di Risparmio delle Venezia - Sede Compartimentale dell'Istituto di Credito Fondiario delle Venezia - Federata con le Casse di Risparmio delle Venezia

SEDE e DIREZIONE GENERALE IN UDINE

Via del Monte, 1 - Centralino telefonico 26-41

Patrimonio	L. 234.000.000
Beneficenza erogata nell'ultimo triennio	L. 71.000.000
Depositi fiduciari	L. 7.000.000.000

AGENZIE DI CITTA':

N. 1 - Piazzale Osoppo	Tel. 36-81
N. 2 - Via Volturmo (Mercato all'ingrosso)	Tel 29-10

FILIALI: Aquileia - Cervignano - Cividale - Codroipo - Latisana - Maniago - Mortegliano - Palmanova - Pordenone - Sacile - S. Daniele del Friuli - S. Vito al Tagliamento - Tolmezzo.

AGENZIE: Cisterna

RECAPITI: Brugnera

ESATTORIE: Udine - Cervignano - Cividale - Latisana - Maniago - Mortegliano - Sacile - Tolmezzo.

MONTI DI CREDITO SU PEGNO: Udine - Cividale - Pordenone - S. Daniele del Friuli.

SERVIZIO CASSETTE DI SICUREZZA

Udine (*presso l'Esattoria di Udine - Via Zanon, 25*) - Cervignono - Latisana - Pordenone - San Daniele del Friuli - Tolmezzo.

TUTTI I SERVIZI DI BANCA


La Cassa di Risparmio di Udine destina gli utili di gestione esclusivamente: all'aumento del proprio patrimonio - garanzia per i depositanti - alla beneficenza da erogarsi nel Friuli; a spese di pubblica utilità da attuarsi nel Friuli



S.A. Forniture Tecniche Industriali

UDINE

VIA MANIN 15 a - TELEF. 62 34



Articoli tecnici -
Cinghie piane e
trapezoidali -
Trasmissioni -
puleggie - Appa-
recchi di solleva-
mento - Guarni-

zioni in lastra e a corda - Tubi di gomma e vetro - Mac-
chine per metalli e per il legno - Utensilerie per tutte le
macchine - Apparecchi per saldatura autogena ed accessori

PER TUTTE LE INDUSTRIE

I MIGLIORI PRODOTTI AI MIGLIORI PREZZI

Interpellateci prima di fare acquisti



An XXXV

IL STROLIC FURLAN

pal

1954

CUI MARCIÂZ DE FURLANIE

Societât Filologiche Furlane - Udin 1953 - Tip. Doretti
Suplement a «Sot la nape» - Resp. dott. Tite Corgnali

Il Strolc 1954 al ringrazie di cûr duc' i scritôrs e duc' chei che lu an judât a metilu adûn, al domande un pôc di compa-
timent se nol à podût o savût fa plui di cussì, al ricuarde che
il disen dal carton a l'è di A. Merlo e al vise che i disens dal
librut e son di R. Tubaro e infin al augure a duc' i furlans e
ai boins amis de Furlanie ogni ben.

El « Strolic »,

Co 'o jeri frute, el « Strolic »,
lu vendevin pes placis:
in tai marcjâz, pes sâgris;
in tune casselute
a pendolòn sul stomi:
dongje cordòns di scarpe,
patine, furminànz,
gusèlis e botòns;
o impiiràt in tal nastro
di un cjapielât scussât,
dongje un sclopòn di cjarte.
Al passegjave, el « Strolic »,
par placis e marcjâz,
anunziât a gran vòs:
« El Strolic Furlàn »
cui marcjâz e lis sâgris dal Friûl,
cu lis fotis
des bigotis di Tarcint,
lis poesis di Zorût,
dut par cinc centèsins! »
Tal gno pais, ogni tant,
al rivave « Bondanze »
cul « Strolic » sul cjapièl.
Bondanze, un omenût di nuje
di chei che durmivin tal patûs
o tal fen dai toblâz.
Bondanze,
cul so sclopòn di cjarte sul cjapièl,
e cu la vòs frujade:
« El Strolic Furlàn »,
pâtine, cordòns di scarpe,
guselis, fil curdele... »
Bondanze su la place:
fra scudielis di crep
e podinis e gèis,
cjalcis, puntinis, nastros,
buiacis e nemâi.
Bondanze, cu la so vòs frujade
e il Strolic gnûf in man.
Un « Stroligût » celest,
opûr colôr di rôse
o vert, secont l'anade.

Un « Strolìc » semenât
 par ogni fogolâr;
 sence pratesis,
 par cinc centesins.
 Cumò, cambiâz i tìmps:
 el « Strolìc » pes buteghis
 o là dai tabachins;
 un « Strolìc » gruès, di lusso,
 cun tanc' Zorùz par enfri
 che fâsin lis puisiiis:
 Zorùz masse dificii.
 Un Strolìc che nol jentre
 tal nastro di un cjapièl.
 'E vevin dit
 — in tun consêi, a Udin,
 chei siôrs de Filologiche
 che 'l vecjo Strolìc
 'al veve di restâ
 « librût popolarissin ».
 — Va ben — o disarês,
 ma 'e son cambiâz i tìmps!
 — Sì — jus rispuint — va ben,
 ma « popolâr », imò,
 al reste « popolâr »,
 ch'al ûl di sclet e semplic'
 e pratic, e gentîl;
 come, sun tune taule,
 mangjâ fasûi e paste,
 salâm cul pevar,
 salate cu l'argjèl
 buine polente cjalde,
 un got di vin sancir;
 e come un son di armoniche,
 'ne barzalete,
 quatri proverbios,
 'ne cjante d'amôr,
 'ne conte di chesc' agns
 opûr di vuè.
 Dal « Strolìc » di cumò,
 masse di lusso,
 'son tanc' che disin mâl:
 (nissûn 'l é mai content)
 ch'al è masse dificii,
 ch'al dis masse di fin;

altris invece 'e disin
 ch'al é masse ordenâri:
 'voessin, su la taule,
 dome budins di lusso
 par palâz rafinâs.
 Sigûr lu comprin pôs:
 sigûr ch'al coste masse
 par jessi popolâr,
 sigûr 'l é masse gruès...
 'al jès masse in ritart....
 pes placis no lu vèndin...
 Sigûr...
 'O viodarin chest an!

ENRICA CRAGNOLINI

Glesiûte di Sandenêl

Jere secje (1)
 — scarsanâli gris — (2)
 su pa l'âbside
 e sgrisûle
 de glesie.
 Anime monde
 tal so paradîs.
 De tiere, fra urtiis,
 altre jere
 'e cjante,
 — organo vif —
 'ne frescje prejere.
 Un arc di pierre
 si stuarz come une cuarde
 sôre une puarte murade
 La jere le siere:
 in requie eterne.

ENRICA CRAGNOLINI

(1) *Jere* = edera

(2) *Scarsanâli* = scheletro

Cjapadis su a Buie...

Marie la Scrize s'impensà di puartai un maz di rostitis al so puar omp. Ben lant tal simiteri al scomenzà a sbivicjà e Marie sustose di caratar, finì la cjaminade rusinant cuintri chel biât che nol veve colpe. Rivade, j butà lis rosis su la sepulture e j disé: — Cio can da l'ostrighe, ti rivin frescjs a ti e jó cussi bagnade cumò j scuen cori a dai di mangjà a la vacje...

Simpri di Marie la Scrize. E cjatà Catine ancjmò cui voi ròs di val ch'al iere muart il so omp. — Di po Catine, no par savé i toi afârs, ma dimi atu pajâ trop il funerâl? — E Catine j disé la sume. — Orpo, - j rispuindé Marie, - biadelore ch'al è muart l'an passât il gno omp ch'j ai spindût mancul.

Un puar cercândul al rivà su la puarte di Lino Mulinâr par cirl la caritât. Lino i domande: — Dontre seso? e chel puaret j disé: — De bande di Ruvine. — E alore Lino pront: — Di-seimi, ce saveo sunà?

Cost al leve simpri a tindi viscjadis di sfroso su la cleve dai Poaviz. Zuan Barbót o anje Zuan ucel, par vie ch'al saveve vuità une vorone ben cun tun vuit fat dibessôl, al lave cun lui par clamá dongje i puars uzelus. Une di al passâ parsòre de viscjade un cjap di dordeis e Cost al fasé di moto a Zuan e j disé: — Zuan, Zuan fai di zus, fai di zus. — E Zuan cun t'une vós mieze sejafoiade: — Fai l'ost... che mî è lât il vuit pal cuel.

Crosute dai ucei

*Crosute bessoline di len gris
i ucei ti viodin quan' che nas la di
a chè su la cueline,
e ur pâr di jessi duc' in paradís,
E a' ti disin «bondi» e a' cjantin miei,
crosute dai ucei.*

LELO CJANTON

“Inemorato io son di te,,

A' erin li' giois in fila dulinvia pal mûr, ch'a sflameavin di colour: un lusso sfazât par chel simiteri grezu, fat di crous di len e di capitei di masegn, dulà che li' tombi' a' si confondevin cui stradai e a' fasevin dut un prât di erbi' pengi'.

Al era stât 'na gran cunfusion di gent vistida pulit, e il funerâl al era rivât cu la musica là denant, i cjavai infloche-tâz di neri e Mateu neri encja lui cul cjapiel dûr, sentât sul cjar. A' vevin fat predicj' in quatri di lour sui faz e i meriz dal muart dropant duti' li' peravali' pussibali', bel che li' siori' cunturbadi' a' suavin li' lagrimi' driu li' veleti' fissi'. Dopo a' vevin serât la tomba e a' erin giûz un a la volta. Dome Catina Sgrisula 'a si era fermada a semenâ requies là par chê fuessi', intant che la gent 'a si dislontanava, par podê rivâ a lêi in pâs li' scriti' su li' gali' da li' giois. Fin che simiteri al era tornât a paussâ come duc' i dis e i muarz cuetaz cun tun di pi in miec' di lour: sior Meni paron.

S'al fos stât vif, vadî ch'a varessin trimât in cetancju a jòdalù rivâ cun chel parecju, ma al era dûr e dret, cu li' mans in crous sul stomi e 'na carona gruessa di granât ingropolada enfri i deic'.

A' na si steva mâl tal simiteri sot sera: a' vigneve jù vint dal Bûs da la Frata, a' tacavin i rusignoi a tintinâ sui cipres e a clucâ li' giois di fier planchin intor li' crous. Un ben flaput, adatât ai muarz, al cjalt distudât da la cjera, ai retraz smamîz, a l'anda bandonata di dut ce ch'al steva sot e sora li' tombi' un ben fat apuesta par discunciâ l'anima di sior Meni paron ta chê primi' ori' di pausa ta la tomba di famea, in banda di sió fradi e sora di so mari. Ta chel ultin cjanton da li' so' proprietâz di 'stu mont a nal podeva pi fâ trimâ nissun lui che da vif al veva comandât in lunc e in larc, regolât li' fa-zendi' da la sô gent da cjâf a pié, paron bessoul di dut: dai bész a la cjera, dai fituai a li' vori' e jù fin a li' scarpi' da la sô femina ch'a scugneva tueili' bassi' parcé che a lui a nai plasevin i tacs.

A' vigneve da scrupulâ cement mai ch'a vares pudût gi indenant la sô cjasa ades che lui a nal era ul a tonâ il «Vuei» e il «Na vuei» ta li' oreli' di cui ch'al lu scoltava.

A Catina Sgrisula, gel preant e liint li' gali' da li' giois, ai faseva câs dut chel ben scrit in oru pustic' e 'a lu leava cu li' cjacaradici' da la vila e cu li' lagrimi' da li' siori' intant dal funerâl. Ma dopodut al era un gust encja chel da parti

da 'stu mont vaiz, cun duc' i sio' comuz, cui pinseirs di tanta gent driu di sé.

E dabon pinseirs di ogni fata a' rodavin puartâz come fum intôr da la tomba di sior Meni paron: a' si levavin da sot il cuviert di cjasa sô indulà che il nodâr Lundrin, disfantada la cunfusion, al leêva il testamint. Encja se li' bocj' cusidi' e i vôi bas a' vevin l'anda da platâ cui sa ce doul, i pinseirs a' fumavin sù in libertât e sior Meni al ju sinteva rivâ secs, cenc'a nissuna viesta di poua o di pietât. A nal podeva disclaudâ la bocja e nencja levâ sù li' mans leadi' a strent cun chê carona di granât.

Il nodâr Lundrin, sofletant, al geva indenat cul testamint e li' peravali' gropolosi' a' tucavin li' orelì' di un e da l'âtri; un test four di duc' i semenâz al era, cun leandi', intops e racomandazions ledrosi'.

A' si capiva ch'al era stât scrit tun moment di mala luna, cu l'ombra da la muart neta denant dai voi e il dispìet da no podé comandâj, la rabia ch'a' restassin che aitrìs a gjoldi. Un test fat apuesta par ingorgnâ la bila di cui ch'al steva a spetâ e par fâ splumâ sù a plen rabi' e maludizions. E a' sintevin duc' che se l'anima di sior Meni 'a ves pudût fâsi buera e tampiasta 'a si sares levada, 'a vares splanât dut, e duc' a' si saressin implenâz cul nua: la so femina, siò fradi, siò nevous, cu la bocja vierta e li' mans scjassant (1).

Uì invezì al cipava il rusignoul, l'erba alta 'a vongalava bil-bilin (2), al discoreva il rúc là di four e al rivava un cjant grocju (3) in ca, un cjant di vis:

Inemorato io son di te...

A nal saveva âtri gi indenant Poldu ch'al vigne a varcs jù pa la cleva; al scantinâ il riscjel cun tuna peciada.

— Oh! Oh! Ajòu!

Denant chê distirada di giois inculuridi' al tirâ i voi, al sbaté i braz a larc e al coré via saltant. Ce roba! Al tocjà na rosa rossa, al si tirâ sù a fa svintulâ 'na palma, al cjarinâ cun rispiet li' peravali' di oru scriti' su li' gall', po' al si tucâ il ciâf e al si fermâ a disglagnâ i pinseirs: al era difizil, parcé che i fii a' s'intorgalivin, a' si rompevin e Poldu al si sentâ su la tomba.

Inemorato io son di te...

Il cjâf ai svualâ: su la tomba 'a era un'âtra gioa bessola, piciala, duta fissa di pulcri' (4) viola, fassada cun tun biel scrit.

Poldu a' nal saveva lêi; al poà la man tal miec da li' pulcri', al la strengé, al tirà sù: ai vigné via na ciafa di rusiti', tanti', minudi'.

Cu li' mans indafaradi' al cjapà li' pulcri' una par una: a vignevin via dissipadi', duta na ploa da implenà li' sacheti',



la cjamesa, la gorna dal cjapielat; fin ch'al restà il pangel di paa, i spirons nûz e la gala cu li' peravali' scriti', cussì biela:

A Domenico, la sua adorata Elvira.

Ma Poldu a' nal saveva lêi, al baté i braz, al viergé la cjamesa par sinti miei il bonodour da li' pulcri' e al s'invia semenant rusiti'.

NOVELLA CANTARUTTI

- (1) *espressione che significa «a mani vuote»*
- (2) *pianino, leggermente*
- (3) *rauco*
- (4) *giacinti*


Friûl tal mont

Furlans !

Radio, telefoto, television, radar e ce sao jo dal dit al fat e fâsin cognossi dut ce e'al sucèt pal mont: arioplans reatòrs, turbonâfs, missili come saetis 'e árin il eil e il mâr: fuarcis immensis - Dio nus uardi se lis disejadenin - tignudis pe' man da la Scienze 'e scúrtn lis distanzis, 'e fâsin sparí i cunflins e in gracie di dutis chestis robonis modernis ai furlans che son pal mont in cereje di lavôr e di fortune j somee di jéssi une vore mancul di une volte separâs, lontan de Furlanie. Ma al manejave un fil, un fil pontât in tan'e lues de tiere, tiessût come la tele d'arint dal ragn, par tigní adún i nestris migrans, un fil e'al si sglemuzás dal nestri eûr e par chest il 20 di Jugn dal 1953, lassú tal ejstjel di Udin, al è nassût il « Friûl tal mont » che no saludín eun dute l'anime.

IL STROLIC

Zenâr



Cjarvai te nêv

✠ 1 V **Circoncision**
2 S s. Narciso

✠ 3 D **SS. Non di Gesù**

4 L s. Tito v.

5 M s. Amelie v.

✠ 6 M **Epifanie**

7 J s. Crispin v. c.

8 V s. Severin ab.

9 S s. Vidâl m.

✠ 10 D **S. Famee**

11 L s. Igini p.

12 M s. Modest m.

13 M s. Veroniche

14 J s. Durî di Pordenon

15 V s. Mâur ab.

16 S s. Marcel p.

✠ 17 D s. Antoni ab.

18 L s. Prische

19 M s. Paulin d'Aquilee

20 M s. Bastian m.

21 J s. Agnès v. m.

22 V s. Vizens

23 S Sposalizi di M. V.

✠ 24 D s. Babile

25 L Conv. s. Pauli

26 M s. Policarp v.

27 M s. Zuàn Crisostomo

28 J s. Pieri di Nole

29 V s. Francèsc di Sales

30 S s. Martine v. m.

✠ 31 D s. Zuàn Bosc

Il gno prât

*'A crëssin siums alz
cjamâz di miluz
sul gno prât
colôr dal amôr
dai fruz.*

*'A flurissin te jarbe
cotulutis di fratis
e l'ajar al odore
di frescje vœ di ridi.*

PAOLA BALDISSERA

Une biele letare

Roma 8-5-41 XIX E. F.

Egreggio Signor Podestà

Ci dovrà scusare se vi inviamo questa lettera, dove vi chiediamo un favore, sperando che voi lo accetterete essendo padre di tuti.

Noi si troviam in servizio ha Roma, perciò si siamo rivolte a voi per vedere se voi ci potrete farci entrare in qualche Ospedale, magari militare.

Noi tutte due siamo disposte, ad entrare, purché voi abbiate la compiacenza di farci entrare al più presto, Sperando che voi farete il possibile.

Siete pregato di farci sapere immediatamente, altrimenti si rivolgeremo in qualche altra parte più in alto. Vi raccomandiamo questo é un vostro dovere.

Vi inviamo i più fervidi saluti Facisti, si firmiamo.... figli di... di...

W Il Re W Il Duce

Questo è il nostro indirizzo...

Noi siamo disposte a recarsi anche in Germania, a lavorare come vanno tante donne. Fateci fare una carta dal Comune di onestà.

Ora attendiamo una pronta risposta.

*Cheste é une copie de letare che si po cjatà 'tes cjartis
dal municipi.*

PIERI SOMEDE DAI MARCS

Da un lûc di mâr, mês di lui

Strolic riverit,

tu às di perdonami se ti fâs une pizule osservazion: parcè ciàlistu dome par àjar cul to canocial? Vòltiti, qualchi volte, viàrs la Basse e tu ti 'nacuarzaràz che ancie cajù 'o vin lis «stellis» e une vore di altris bielis robis. Par cheste volte ti judarai jò, miôr ch'o podarài, a «scuviarzi» chest mont senze... montagnis.

Jòisus ce tant popul ch'al è cajù! Anzi, plui juste, ce tante frutarie e ce tant femenam! Al dì di uè 'e jè vignude la mode di là in... vigjelature (cussi al dis miò copari Pieri), cu la scuse che i frutins, par vie da uere, o ce sâo jò, ma 'e san ben lis feminis, 'e vègnin su debilùz; cussi, po... 'O puès sigurati, Strolic benedet, che, secont i mièi calcui, par cure, aculi, 'e saràn apene il tre e mièz par cent e l'arest si pol za capilu ce ch'al ven a fa. Jò, naturalmentri, 'o ài lis mês buinis rasòns par mètimi ta chel tre e mièz par cent e se qualchidun al ùl spiegacions al riuàrt, sono a sua disposizione con documenti probatori, ecc. ecc.

Anin indenant che il soreli al bruse!

Cajù 'e jè simpri fieste, simpri ligrie; si marcie a sun di ciartis di mil; cajù al è il regno (veramentri cumò si dovarès di la republiche) des feminis sigur, parcè che i ùmign, la plui part, 'e son adèz al servizio di vettovagliamento della famiglia: lor 'e vègnin jù la sabide di sere, ben ciariàz di palanchis... Strolic lustrissim, se tu viodèssis in muse chesc'... soflièz, pua-rins: zalùs, strenzùz: lor 'e varèssin dibisugne di soreli, altri che! Ma lis paronis, cu la scuse da frutarie, 'e son ca a gioldi...

Anin indenant che il soreli al bruse!

Cumò ti cònti la vite che si fâs aculi. Durant la zornade si rondolisi tal savalon, un pòc di une bande e un pòc di che altre (bisugne cunsumà ben chel che si pàe); cussi la peleate si scurls e lis feminis, par fa la vòre interie, si dån su ciartis mantechis e po 'e tòrnin a ciase color cicolate, *destando, così, l'invidia ecc. ecc.* Ogni tant il popul al si bute un sclop ta l'aghe; simpri cussi, no fossie vere! E jè une vite dure, cheste: *provare per credere!* Po, aculi, 'o vin un local dulà che lis feminis sòre i corante, *quelle che non vogliono mai tramontare*, 'e van a respirà ciàrz fumènz che àn la grande virtùt di fa spari lis grespis da muse...

Anin indenant che il soreli al bruse!

Cumò ti dirai un alc sôre i *passatempo del bel mondo balneare*. Tal savalon tu viôs, mo ca, mo là, del granc' ombrenons di mil colors, che se tu tu ju doprassis tal to pais, sêi pur quan'ch'al sglavine, duc' ti ridaressin daür e ti diressin che tu sês mat di leà; aculi, invezzi, chesc' argâins 'e van une cane: all sot si ciàtin lis feminis, in còf, par tajà tabârs al prossim, par criticà, par invidià e par ingrumà petèz par chest unviâr...

Une robe 'o vin di juste ca vie: ca 'e jè di ciase la vere democraissie: infati, tant ùmign che feminis, 'e son duc' in barghessins: *tutti uguali*, ostarie! 'E jere ore!

Anin indenant che il soreli al bruse!

Sot sere si va a gramolà par no dismeti la buine usanze; po, quatri patàz pal cul a la mularie e ghèmarsc a durmì! E lis maris si mêtin *in abito da sera* e van a spassâsile. *Ed ora debbo fare una confessione*: jò, chel di mudami di vistit plui di une volte in di no puès capile: ben, lassin sta chesc' afârs, che jò 'o ricognòs di jessi di chel dal timp dal ciavedâl. Siccheduncie, si domande la signurie: *dove andiamo questa sera?* Gi uèlino tantis: si va a balà tal dancing, po! *Ingresso «libero»*, ma quant che tu sês là drenti, ti guàntin i giudeos: un cafè 450 francs, une camamile par calmati la gnarvidure 500, une birute cun tante di... golarine, 700! Giò, dulà sino? Plen di popul istès. E si à la scuse pronte: *per non sfigurare di fronte agli amici e poi, mille più mille meno, cosa vuoi farci, tanto, sul totale...* Sì, sì, no dis nuje. Une sere 'o voi ancje jò a cucà dulà che si bale stant di fur, si capis, par une sfrissure: 'o soi furbo jò e no buti vie lis palanchis par cussì pòc; no vègnin mingul jù pa nape!

E ce spettacul! Slungie il to canocial, Strolie, e spalanche i vôi!

Cenonè, a un ziàrt pont, un mataran di sior, sorestant dal local, al dis: *Corsa delle carrolette riservate alle gentili signore, ricchi premi...* Cull, biadàt, 'o scûin fermami un fregul di plui; ma in dôs peraulis ti spieghi dut *il funzionamento della cerimonia*: si trate di cori par dabon, di ca fin là, cun cariulutis come chês che zuèin i frutins di tre àgn: cui ch'al rive prime *al traguardo* al ciape par premi une veriute di sprafùm... E cumò, Strolie, al dipint dut quant di te: sfuarze la to còze, siare i vôi e *concentra la tua fantasia: immagina le concorrenti*: ziàrtis sioronis un pòc pènzis, cu lis cariulutis... vâe ben? e il fabrian, dulà 'l vègnial a ciatasi durant la manovre?... e lis ridadis ch'o fâs jò, tra me e me, platât fur dal siarai, tal scur, lis sintistu? E la signurie *che applaude e si congratula*

con la vincitrice, la viodistu? Ràngiti: jò 'o ài pricurât di mè-
titi in viste dut quant.

Anin indenant che il soreli al bruse!

Jò 'o soi un di chei ch'al fâs lis robis ben, ma in culumie, ch'al ven a stai: spindi pôc e gioldi une vôre! Si, po! Cussì, durant *un intervallo della festa*, 'o voi in t'une ostariute romantiche e fur di man, 'o bēf un tajut di blanc a la svelte, in pins, par vie che se tu ti sēntis, ti mētin in cont il frujo da ciadrēe e indalore tu pais di plui; po 'o torni a divertimi col noto ed economico sistema più sopra esposto.

Anin indenant, che il soreli ol bruse!

Un'altre volte. « *Questa sera sarà eletta la reginetta della spiaggia* ». Ce àò di di cumò? Nuje, parcè che tu sâs avonde sun chest pont. E noaltris bròcui di ùmign, ce spietino di fa *un concorso maschile di bellezza*? Metinsi adùn un pòs di buine volontât e viodin di fa une robe pulidute; jò, tant par sco-
menzà, mi met sùbit in note par chest nobil scopo e 'o siguri dut il mio appoggio morale alla nobile iniziativa e, anzi, poichè ci tengo degli amici intimi a ministero, 'o pricurarai di fami dà un sussidio pai premis. Ziàrt che no podarin elèi un « re », parvie che chest articul al è fur di mode al di di uè: l'unic re ch'al vâl e ch'al valarà simpri al è il re di danari... Cussì 'o nomenarin il presidente dei bellissimi: d'accordo? Scuse, Strolie, se 'o fâs un pàs indaûr: mi dismenteavi di diti che cajû, lis fantazzinis 'e van... a tir di doi e ancie ancie. Vonde.

Anin indenant, che il soreli al bruse!

E cumò 'o soi stuf 'e o doi il clostri al mio romanzetto a puntate e araviodisi, con altre gustose novità, un altri an, s'o varin la panze cialde. Ancie un moment, Strolie; ti prèi di un gran plasè: 'pene che tu às la cuminazion di viodi miò copari Bepo sburtul, digi ch'al po' curâsi i siei dolors ancie senza vigni ca a fâsi spelà: baste ch'al vadi ta speziarie di sior Berto e ch'al si fasi dà un tacomaco di meti su la schene o là ch'al gi dūl... Graziutis. E visto che in curt 'o tornarai a ciase ancie jò, 'o buti il mani daûr da manarie e per essere all'altezza dei tempi, faccio uno strappo, come si suol dire, alla regola e cussì cheste sere, ben strighiat, mi sēnti t'un biel local e mi fâs puartà une bevande di chēs che si ciùcin su cu la canucie di stram. E ch'al vadi dut a fâs trài: za, dopo muàrz, no si vif un'ore.

Mandi.

TONI DELUISA

Sul puint del Nadison

*Jo pensi e' 'o crôt che in nissun lûc un puèst,
che al plasi al voli e ch'el solevi el cûr,
si cjati chenti, ch'el sei miôr di chest
puint sul Nadison in faza al Matajur;*

*dulà che a l'alba e sul bonâ, la sera
jë una gloria di lûs e di colôrs,
che al paragon l'é nia, in primavera,
ze che si viôt in t'un zardin di flôrs.*

*Co' la matina 'e ven dal zîl l'aurora,
la pica del Mont Neri, maestosa,
blâncja di nêf, a pôc a pôc s'indora*

*e dût atôr si fâs colôr di rosa.
Spetacul comovent par chei che a vora
son za inviâs, par mantigni la sposa
e i fruz che jevin par mangiâ a buinora!*

TONI RIEP

Il gri

*Gri avostan, par ce ogni sere,
fastu il cjant in ton minôr,
mentri il gri di primevere
lu faseve in ton maiôr?*


*Chest al cjante la ligrie
de stagion dute ridint,
mentri tu malinconie
de stagion che va murint:*

*Chest al sint la primevere
che vigôr a dà e confuart;
tu da l'an tu sins la sere,
de la vite e po la muart.*

*Ma, o griut, lis tos cjantadis
pal miò cûr son simpri bielîs,
Che jò a lunc 'o ai meditatîs
Vie pe gnot al clâr des stelîs.*

PIERI MASUT

Fevrâr



Tuhar

Sul marcj

- 1 L s. Ignazio v.
- 2 M Purificazion di Marie V.
- 3 M s. Blâs v. m. ☉
- 4 J s. Dree Corsins v. m.
- 5 V s. Aghite v. m.
- 6 S s. Dorotee v. m.
- ✠ 7 D s. Romualt
- 8 L s. Onorât
- 9 M s. Polonie v. m.
- 10 M s. Scolastiche ☽
- † 11 J Mad. di Lourd. (Concordât)
- 12 V ss Siêt Fondatôrs
- 13 S s. Fos'ce v. m.
- ✠ 14 D Setuagésime

- 15 L s. Faustin
- 16 M s. Giuliane v. m.
- 17 M s. Romolo
- 18 J s. Simeòn v.
- 19 V s. Mansuet v. c.
- 20 S s. Leon v.
- ✠ 21 D Sessuagésime
- 22 L s. Margarite di Cort.
- 23 M s. Pieri Damiàn v.
- 24 M s. Matie
- 25 J ss. Vitorio e co. mm.
- 26 V s. Alessandri v.
- 27 S s. Gabrièl de Dol.
- ✠ 28 D Quinquagésime

A l'ombre dal "Santuari",

Pio al jentrà tal « Santuari », cuiet ta l'ombre fres'cje dal dopomisdì. Dòs vecjutis sentadis sui banchs, denant da l'altâr de Madone e preavin cidinis; lis peraulis apene ciscadis si sintivilis come un svueletà di alis.

In dute le glesie si spandeva un profum lizêr di rosis e di incêns.



Pio, ben planc, pas daûr pas, come se al ves pore di disturbà qualchidun, al rivà sot dai scjalins dal coro e lî si è fermât.

Ce erial lât a fâ li dentri?...

Si ricuardà che di pizul so mari lu veve puartàt propri a lì par falu benedì di un frari.

Nol ricuardave plui parcè, e nancje no impuartave di savelu in chel moment.

So mari e veve certis ideis pal ciâf, pore femine!...

Cumò al curiosave fra i «ex voto» picjâs su pal mûr di un altâr; cruchies, gjambis e bras di len, cûrs d'arint, quadrûs piturâs a ueli che mostravin malâs tal jèt, saetis che plovevin dal cil su le pore jnt riparade sot di une linde o un arbul in campagne, puins che colavin, frutins che s'inneavin o distirâs sot ruedis di un cjâr tacât tôr di dôs besties che si veve di indovinà se erin ciavai o nemi...

Fra chês testimoniancis di miseries che colpissin l'umanità, di frut so mari i mostrave un quadrut de lôr famee piclât, forse da so bisnono, dopo che in Gjarmanie, pâr un pêl, nol ere finit dentri une bocje de fornâs impiade.

Ma ce stupidès i passâvino pal ciâf cumò?... Parcè erial lât a finile là dentri?...

Si volte par iessî, ma fas pôs pàs si ferme; une femine, une bieie femine, ancj mò zovine e jentrave in chel, tignint doi frutins par mân; blancs e ros, cui cjavei rizos, cun doi voglons come che dai agnui piturâs sul sofit de glesie...

Ancje el sò, el so Rudy a l'ere cussî; a l'ere biel, al veve i rizôs di ciavei bions!

A l'ere stât crudel il destin cun Pio; muart el frut dut si ere sfassât intor di lui: scjampade le «francesè», lâs mal i afârs, ogni dì piês come le nêf tal sorelli; di colp si ere sintût vécjo e strac e par chest a l'ere tornât tal so país, dopo vin'c ains...

Al veve crodût di rimétissi, di tornà a sperà, invessi ogni pas i ricuardave il timp passât, musis che no erin plui 'e tornavin denant dai siei voi; la tiere che al pes'cjave, i clas, parfin lis plantis dadôr des stradis, e vevin du'c alc di dii...

E cumò ancje chel frari nol coventave nuialtri par finilu di tira sù.

— Aial forse di confessasi?...

Se i vessin dade une sberle no si sarès urtât cussî.

— No... al rispuint a sec, rustic.

El frari, alt, cun t'une muse frescje come un frut cressût in premure, zavatant cui sandai su lis pieris dal pavement e fasint sunà le corone su le tonie largje, al sparîs daûr di une parte.

A lui, a Pio, i plasevin i fraris cu le barbe blancje, secs e strissinîs come sardelons; un cussî, dopo scjampade le femine in France, i veve dite:

— A l'è miôr par vo... fin che a l'ere il frut di miez, vie cu vadi, ma cumò... Cirisci une buine cristiane... e lassait cori... che femine che no è la vuestre femine!

Sfazât a l'ere stât, ma lui no si ere inrabiât; se jal vès dite qualchidun altri lu varés cjàpât a patàs!

Cui erial cumò là di fûr a fa vuacà il so cian? Si sintivilu fin dentri de glesie a vuacà... Si palpe te sachete la clâf par sigurasi di vê sierât l'automobil.

Ma el cjan no si cuietave.

Al iés pe puarte pizule par stà mancul, e ti viôt... Ma quant erino iessûs di glesie chei doi mostacins di frus?...

Apene che lu olmin i mulez si metin a cori a gjambis puartaimi, tornant dentri in glesie.

Pio al riduze, al vierze le puarte de «giardinete» par fà une cjareze al cjan e po si sente, miez dentri e miez di fûr, implant un sigaret.

Se non erin a sta là dentri e dovevin passà di lì chei bî-richins!

A l'è stât il cjan il prin a viodiu metinsi a mungulà.

Pio si mèt in pins denant da l'automobil sierant il cjan che al continuave a rugnà daûr des lastris.

Al stave par clamàiu quant che daûr di lôr e comparis une femine, lôr mari, Teresine de Blancje, alte, vistude di neri; tal riquadri de puarte e semeave une statue dentri une curnis...

I vevin contade ancje a lui le so storie, dopo tornât; ce no si sâial un da l'altri in t'un borg? Ancje dopo vin'c ains, si stà pôc a sfueà lis paginis di chês stories.

L'omp di Teresine de Blancje a l'ere restât in fons di une miniere di cjarbon tal Belgio, pôc timp dopo sposàs, prime che nascessin i zimul, chei doi spirtei cui rizôs di agnul...

Quant che lui, Pio, a l'ere partit dal borg, vin'c ains prime, Teresine e leve ancjmò a scuele; si ricuardave bèn: du'c e disevin in che volte, che sarés stade une beleze, che sarés stade fortunade in amôr... Invezi poarete! Piês di cussl ce vevial di tocjal?...

— Teresine venstu jù cun me... in machine?... Frutins vigniso?... Il cjan nol muart!... Ce astu non tu?... Pieri!... Bravo; e tu ce astu non?... Marcellin?!... Ce biel nom che tu às...

Teresine no voleve montà in «giardinete» ma i frus le àn tirade dentri, mai plui tant contens chei frus!...

Jù pe rive le jnt che lavorave pai cjamps s'implantave a cjalà:

— CuiSSà ce che diran?... e dis Teresine, cjalant fûr dai finestrins.

— Teresine vino di falu cjacarà di pui ancjmò?... Sposins!...
— Mame... mame... viôt il cjan ce che mi busse... o sîn
zâ amis, mame...

Un mês dopo, Pio e Teresine, une di a binorone e son tornâs lassù te glesie dal « santuari » par sposasî, cidîns cidîns...

In glesie nol ere nissun.

Ancje uê, se i domandais a Pio, nol sà di ce frari che lu à sposât: in che volte noj impuartave che al fos gras o sec, che al vés o nol vés le barbe blancje!...

PIERI MENIS

La odulute

*Nol criche ancjmò il dì e tu sês la prime
a lassà il nît; tu sês un'animute
ancje tu in pene, tant che ogni matine,
co duc' 'e pôlsin, pizule odulute,*

*tu cîrs il clâr e viars l'ultime stele
tu ti alzîs su e tu vâs cuintri il sorêl
prin ch'al fâsi cucûc su la taviele,
co la fumate lu cuviârz di un vêli...*

*Pa 'l cîl, svolant, tu dîs tantis robutis;
tu cfantis fuart; ma sestu, po, contente?
Su, in alt! Su, in alt! Ce gran vogà dî alutis
tal biel seren! No, no tu fâs par fênte:*

*il curisin to, el bat sburit e 'l gionde,
e ancje se 'l cîl l'è scâr, no tu t'intardis...
E cfante, e cfante, che no vin mai vonde
ligrie, cajû!... E intant, lassù, ti piardis.*

*Po, dut t'un bot, tu tornis a calati;
e 'l cfant al gâmbie e al cfape un'altre plêe:
jû, viars la tiare un tic, par racreati
cu 'l ja un scjampon di sbriz 'e to jamêe!...*

*E vie pal cûl! Simpri cussî tu vivis,
beade tu, o pizule odulute;
ma puarte ancje lassù, co tu ti visis,
un pôc di noaltris, fûr da tiare brute!...*

TONI DELUISA

Contadin

*Cusit a la tô feche,
no sarés maravee,
che ti corés
il sanc vert ta lis venis*

*.
Tu cu la tiere antighe.
Tu cu la méniche alte.
Tu cui spis dal forment.
E l'odôr di ledan
e di lat penz.*

*.
I tiei pis
a son ledris
ch'a girin pe taviele.
— Par meracul —
Tu cu la ploë,
e il soreli,
e la zornade di vint.*

Vôi tramontâs

*Mame, i tiei vôi
Chei vôi che ti bagnavin
la muse di turchin.
Cumò son lâs a mont.
E tu ti sês pleâde
'ta muart
cun tenareze.
E no' a vai,
e a pensâ a la to gnot
screade in simitèri.
Mame, i tiei vôi,
là ch'j stâvin in cinc
come 'tun nî.*

MARIA FORTE

Marz



I pioràrs

- | | | | |
|--------|-------------------------|--------|--------------------------|
| 1 L | s. Albin v. | 16 M | ss. Ilari e Tarziàn |
| 2 M | s. Simplici p. | 17 M | s. Patrizi v. |
| 3 M | La cinise | 18 J | s. Ciril di Gerus. c. d. |
| 4 J | s. Casimîr re | ✠ 19 V | s. Josèf spôs di M.V. ☉ |
| 5 V | s. Adriàn m. | 20 S | s. Gioachin pari di M.V. |
| 6 S | ss. Perpetue e Filizite | ✠ 21 D | III di Quaresime |
| ✠ 7 D | I di Quaresime | 22 L | s. Lee muinie |
| 8 L | s. Zuàn di Dio | 23 M | s. Vitoriàn m. |
| 9 M | s. Francesche rom. | 24 M | s. Latin v. |
| 10 M | ss. Quarante Màrtirs | 25 J | Anunciazion di M. V. |
| 11 J | s. Eulogi m. | 26 V | s. Teodoro v. |
| 12 V | s. Gregori I p. dot. | 27 S | s. Zuàn di Damàsc |
| 13 S | s. Cristine v. m. | ✠ 28 D | IV di Quaresima |
| ✠ 14 D | II di Quaresime | 29 L | s. Secont |
| 15 L | s. César m. | 30 M | s. Quirin m. |
| | | 31 M | s. Amos prof. |



Di là da l'aghe

E' son stradis di polvar e di arsure chestis che van su blancis e dretis viars lis monz sot chel soreli ch'al pâr brusati fin dentri ta l'anime. E chêz monz 'ti soméin pojadis lì in fonz de strade, ma tu âs invezi ben di sfadiâ pâr rivali sot.

Ca vie, su chestis stradis al é un Friûl dismenteât, il Friûl di là da l'aghe, e su la bocje di cheste jnt tu' scoltis un lengaz cussì plen e taront ch'al quiste un colôr gnûf, un savôr di rôbis antighis pai furlans che lu sintin dopo passât il Tîliment.

Culì nol é plui il Friûl légrì des culinis ma ti ven incuintri la planure serie e rûspide, massime d'unviâr. D'istât si sint, invezit, ienfri chel vert spes e cjalt la tiare in plene bulidure che za 'e prepare lis rîcoltis pe siarade. Jù pe basse vignai ben tirâz, orz e vilis in file su l'ôr des stradis, aghis che còrin pai fossai e tan'c olnârs e tantis acazis come mágkis di vert tal vert des campagnis. Ma in sù viars lis monz la tiare 'e devevente simpri plui magre e 'a si finís 'te pradarie secje, tes gravis di glerie che lis aghis e an strissinât jù des monz cun che opare lungje di secui.

Ancje la vite culì 'e finís; qualchi cjase 'e ven fûr dai sterps di lunc la strade, lis pioris a trops si mòvin pai praz, si confondin te jarbe come in tun mâr a òndis lungis e càlmis.

Cussi fra il Tiliment e la Midune par miis e miis i magréz e cognossin sôl che piôris, barâz di spin e qualchi toc di tiare che l'omp al à tirât fûr di cheste arsitât par méti dentri filârs di viz bassutis che j dan un vin fuart e clarut. Se tu 'ti vòltis a cjalâ in daûr co' tu sês a mieze rive su pe pradarie, il voli al còr subit a chel vert plui font lajù sot Domanís, dulà che pais e cjampanilis 'e cùchin in file: Valvesón, San Martín, Dursiníns e a mont Pordenón cui siej cjamins; a soreli jevât Spilimberc e il Tiliment ch'al slargie pégri i siei gravòns in te planure.

Se tu cjalís viars lis monz ca si párin denant come 'ne murae plui scure, tu 'stentís a scuviarzi che atre file di cjampanilis: Midun, Fane, Manià, i pais légris ca si distírin in plen soreli squasi a sotet des monz.

Cussi su chest plan pleât fra mont e planure, fra i pais de alte e 'l vert de basse, al si viarz un Friûl larc e saren, plen di ajar e di soreli come 'ne isule fûr dal timp, fermade in chest mâr di jarbe.

Lis lodulís 'si jevin cà e là fûr dai sterps, 'si vòltòlin tal cil cun tun légrì strit e po', a plomp, 'e tòrnin jù tun bati di voli: uniche vòs in cheste pradarie ca scolte il cjulà dal vint e il burláz ch'al bruntule d'istât. Pal rest un gran silenzi, 'ne calme ca ti jemple l'anime. Vulintir tu 'ti séntis su l'ôr de strade e tu' scoltís sôl che la vòs dal timp ch'al si é fermât su chest cjanton di Friûl fra mont e planure.

CESARE BORTOTTO



No é sucedude 'te me comune ma in t'un municipi di montagne. Il prefet al mande une létare «circolare» dulà c'al domande: quanti medici, quanti ospedali e quante ostetriche sono in comune. Il podestât, un puar om, restât sòl in municipi parzé che il segretari a l'ere in licenze e dal cursôr nol podeve fidâsi, dopo vé ben remenât la létare che i faseve propit girà il ciâf parzé che «sotto pena di provvedimenti disciplinari» e domandave une pronte risposte, al scrîvê:

Medici nessuno; parzé che a l'ere plui di un an che il miedi dal consorzio no si faseve viodi lassù e i malâs e dovevin la jù 'te vâl a cjatalu o rangiasi bessoi.

Ospedali sette: cussî a l'à crodût di rispuindi parzé in siet fameis erin quasi duc' malâs di influenze.

Ostetriche: - lui veramentri al leleve ostetricie - chest l'ere un afâr serio, pense e torne a pensà nol capive ben: oste-tricie... cjalemó... ostie strize... sí, al à di jessi propit cussî. Al va dal muini e i domande il so paré e chel i dis che al po stai che al vueli propit di strize ostiis e difati lui al veve la machinute par preparà lis ostis. Alore il podestât dut content de scuvierle al finís la létare cussî:

Ostetricie una: ma quella è tutta a disposizione del parroco!

PIERI SOMEDE DAI MARCS

Avril

Tubias



La polse sul cju

- 1 J s. Ugo v.
 2 V s. Francèsc di Paule c.
 3 S s. Ricardo v. ☉
 ✠ 4 D Domenie di Passiòn
 5 L s. Vincenz F.
 6 M s. Celestin
 7 M s. Epifani v.
 8 J s. Dionis v.
 9 V Siet dolòrs di M. V.
 10 S s. Terenzi ☽
 ✠ 11 D Domenie Ulive
 12 L s. Zenon v.
 13 M s. Gildo re m.
 14 M s. Justin m.
 15 J s. Cressenzi m.

- 16 V s. Calist m.
 17 S s. Anicèt p. m.
 ✠ 18 D Pasche di Resurez.
 † 19 L Fieste dall'Agnul
 20 M s. Zen v.
 21 M s. Selmo v. d.
 22 J s. Sotér m.
 23 V b. Eline di Udin
 24 S s. Zorz
 ✠ 25 D Dòmenie in Albis
 26 L ss. Cleto e Marcellin m
 27 M s. Pieri Canis
 28 M s. Vidâl
 29 J s. Pièri m.
 30 V s. Catarine di S,

Come tornâ fruz...

Tomât al compari la prime volte lassù dal mulinât ch'al crodeve di cjatâlu imò come che lu veve lassât za cent agn.

Al rivà-ca pal troi dal bosc incurint fin sul ôr dal rojâl e si lassà menà-jù da l'aghe come une fuêe dispicjade.

— Al pâr di tornâ fruz!... — dissal sintinsi l'aghe intôrsi, parceche a tornâ des bandis che si e nassûz e cressûz, a tornâ a cori discolz pal prât, a tornâ a saltâ te roe croz, al pâr juste di dismenteâ dut ce ch'al è stât *dopo*. L'anime si dipon di ogni pene, di ogni ricuârt uman, se s'inten imò.

— Subit a' devin sei i passadôrs — al disè imò Tomât dopo la prime scuviarte maraveose — e dopo, il salt...

Ma no jerin plui passadôrs, nol jere plui il salt... Tomât al saltâ-sù come une sclipignade di aghe, s'impicotì tun cuarp uman e si cjalâ atôr imbambinit.

Nol ere plui nancje il bosc, il mulin bandonât cu la jarbe alte sui cops e tal curtil, nol jere plui nuie, e lui si cjatâ a sei forest proprit tal lûc dulà ch'al veve vivude la sò vite.

— Mi an disfate dute la mê vite di cristian!... — al disè Tomât.

— Dulà ajo di tornâ, dulà ajo di tornâ mo' jo chest novembar ai Sanz; cumò ch'o puès tornâ? E tant ch'o ai bramât chest moment!...

Tomât al iere cent agn, gjò che nol tornave di ca, sun cheste tiare, parcè ch'al veve cjapât alc di Purgatori parvie di une vecje storie cul so fradi Macôr, anzit, par dile juste, cu la femine di so fradi, sò cugnade Sunte.

Une gran bieie femine, ai siei timps, Sunte Marzàrie: dôs spadulis par là, ben tressade, tarondute e slisse che quanch'e lave vie pastrade no jere une palme di jè che non si movès sot dal vistit — e un omp, ancje sugjzionôs come Tomât, al è simpri omp...

— Salacôr al è miêi cussi... — al tornâ a disi Tomât — Al è miêi, sì, ch'a vedin disvidrignit il bosc, disfât il puint, splanât e ramondât il salt! Tornâ cull, senò, al orès di tornâ a colâ in tentazion, e de tentazion al pecjât al è dome un at di volontât...

Mico che Tomât e Sunte a' vessin pecjât!... No no: tra di lôr doi nol jere stât nie di nie, come tai vôi, cjò. Dome che Suntine 'e vignive a mulin, e co Tomât, zovin, la lupave sù pe stradelute ad ôr de roe, al lassave dut e jù incuintri a

cjapâj la cariole: jê lu cjalave dafonz dai slei vôi diaui e Madin, dopo, tal contizzâ su la muldure, s'inzampive...

— Ben ben, ten là, cjò... — e nancje no j muldurave. Al cirive un spali sul claut intant che Suntime 'e ingrampave la come dal sac e po' ancje lui al cjapave la come e s'intardave a leâ, par tignij chês mans di vilût dentri des sôs mans.

— No us àjal insegnât vuestri fradi Macôr a fâ il grop 'e svelte? — diseve Suntime quanche Madin s'intardave masse a leâ. Madin al diventave dut ros e dopo j bujavin tal cjâf dome chês peraulis: «vuestri fradi Macôr!», «vuestri fradi Macôr!». E ditis cun chê bocjute lì, cun chê gurgute lì... Madin di sintive un tuf di cjalt sù pe vite, e po' al stave a cjalale su la balcugnele adalt intant che jê 'e lave vie pe stradute fintremai ch'e voltave daûr dal bosc. Alore al tacave a clamâ so fradi, a fuart, daûr dal mulin, sul puartel dal curtil, tal sedin... Macôr nol rispuindeve, e pûr al jere lì, cumò-devant...

Quanche Macôr al mutivâ di maridasi e al disè chel non, propit Sunte, a Madin j parè di vé stracapît.

— Cui, cui?...

— Sunte Marzàrie, gjò!... — dissal Macôr, e alore Madin al sburtâ in dentri de taule la scugjele, al jevà-sù pendolant e al jessì tal curtil. In bande dal curtil la roe 'e jere fonde lì dal salt, e Madin si vedè la muse ribatude tal celest di chê aghe: 'e vongolave cu l'aghe, 'e cjapave di vert sot i vôi, e i vôi si distudavin: la sô inficje di muart.

— No jo! No jo!... — al zigà e si taponà la muse cul braz.

Cumò, so cugnade Sunte, cui voi diâui e lis mans di vilût 'e jevave di matine a buinore a buinore, 'e dave un cuc 'es bestis tal gjalinâr tai cjòz, qualchivolte 'e dave-dentri la prime grampe 'es vacjs te stale e po', intant ch'e bulive la cite, 'e vignive a dá une man tal mulin.

D'in chê di ch'e jentrâ là di lui, Madin, nol alzá i vôi, nol disè flât di peraule in famèe. No jerin altris feminis par lui al mont, nancje a messe, nancje a sagre, in nissun lûc, mai. Madin al veve metût il ciâf all: come ch'al sucèt poi... E chê di vêle lì, ogni dì, ogni moment, chê di sintile simpri: a cjaminâ, a fevelâ, a cjantâ... Madin al veve come une pore.

Al rivave a gustâ e a cene dopo di duc'; al mangjave a scjafojòn sul pic de taule e po' al sburtave indentri la scugjele, e s'inviave su pal troi dal rojâl a cjalâ lis rosis e l'aghe e lis musis strambis ch'a fasin i bârs di nûl...

Une sere so fradi Macôr al saltâ-sù di chealtre bande de taule, lu imbrincà pal stomi e al discocolave i vôi, indanât.

— Ce isal che non tu movis peraule, che tu mangjs e tu vâs cence di nè ceu nè beu... 'O soi stuf jo, sastu, di ché gjle cà. Ce ti mancjâl?

Alore Madin al alzà i vôi, dopo agn; al cjalà so fradi, e daûr di so fradi 'e jere Suntime: la muse di Suntime, i vôi diàui di Suntime... S'inmagà un moment a cjalâle: 'e jere come simpri, biele come simpri, e i vôi di Madin s'imperlàrin di lacrimis. Po' al scjampà fûr des mans di so fradi: lì dal salt 'e jere l'aghe fonde e Macôr al rivà a ingrampâlu pe schene de cjamese ch'al jere za pal plombà ta l'aghe. — Ce isal cu la me femine, tû?...

Po' Madin s'inmalà e al muri, e cumò al tornave di cà, des sôs bandis, a viodi i rojâi, lis rosis, il mulin. Ju veve tantocolâz te sô memorie che al pareve dal impussibil ch'a vessin di vê esistût al mont.

E cumò che non jerin plui i passadôrs, ne il salt, e nancje il bosc e nancje il mulin come che lu veve lassât lui, si sintive come forest propit te so tiare dulà ch'al jere nassût e cressût, e al veve ulût ben e patit. E propit cumò-devant, ju pa l'aghe, si jere sintût come a tornâ frut, dismenteât di dut ce ch'al jere stât *dopo* - e il so pais di une volte s'impaveve cumò dome ta l'anime blancje, limpît di aghe e di seren che al pareve ch'al fos stât dut un cil.

DINO VIRGILI

Il cucùc

*Vôs di vert e di rosade,
di muscli e pestelâcs,
cucùc, dafonz da l'anime dal bosc:
cimiade di voli celest
al gno sium.*

*Dami la man: anin
jo e te
a cîrî la primevere.*

RENZA SNAIDERO

Mai



Un moment di pàs

- 1 S Fieste dal Lavôr
 ✠ 2 D II dopo Pasche ✠
 3 L Inv. S. Crôs
 4 M s. Moniche ved
 5 M s. Pio V p.
 6 J s. Luzio v.
 7 V s. Stanislao v.
 8 S Aparizion di s. Michél
 ✠ 9 D III dopo Pasche ✠
 10 L s. Antonin v.
 11 M s. Ciovane d'Arc m. R.
 12 M s. Pancrazi m. R.
 13 J s. Robert Belarmin R.
 14 V s. Fortunât
 15 S s. Zuàn B. de la Sale

- ✠ 16 D IV dopo Pasche
 17 L s. Pascâl Baylon c.
 18 M s. Giùdite v. m.
 19 M s. Pièri Celestin p.
 20 J s. Bernardin di Siene
 21 V s. Valent v.
 22 S s. Rite da Cascie
 ✠ 23 D V dopo Pasche
 24 L ss Zuàn e Pieri
 25 M s. Gregori VII p.
 26 M s. Filip Neri c
 ✠ 27 J La Assenz. di N. S.
 28 V s. Milio v.
 29 S s. Teodosie m.
 ✠ 30 D s. Filiz I p.
 31 L B. M. Mediatr.

Fruz di scuele

*Vegnin fûr i fruz di scuele,
vegnin fûr duc' in t'un grôp:
mi somein tantis cisilis
quant che svôlin in t'un trôp.*

*Lôr 'e sâltin e si clamin
un al poche, un cjale atôr,
un va a planc, l'altri al sivile,
chel si ferme, un altri al côr.*

*Su la puarte de la cjase
Ogni mame 'e sta a spietâ
che il so frut al vegni dongje,
par riviodilu e bussâ.*

— Mame, ise la mirinde? —
— Si, ninin, ài pront il lat.
Ustu pan? Semût a scuele? —
Ma il frutin matee cul giat.

*Pâssin ains... Al torne a cjase
un om strac, dopo il lavôr:
la so femine è in cusine,
une frute j è li atôr.*

— Jse fate la polente? —
— Si, j è pronte dal moment. —
Ma un ricuart viv te memorie
Svee in chel om dût un torment.

FRANCESCA NIMIS LOI

Fra om e femine

- Tite a son vignûs a scuedi pal clampanil, i doi doi ûs...
- Daia!
- Tite l'é stât il puestin a scuedi, i ai dât un ûv...
- Cun che miserie di gialinis che tu âs...
- Tite, il plevan l'à mandât a cirî pal seminari...
- Rangiti...
- Tite l'é vignût il frari, é Pasche bisugne dai un pâr di ûs...
- 'O vutu l'à a trai, e jò ce ao di mangiâ, il sbît de gialine!...

SP.

Lis baronadis di Pieri Furdûcje

Pôar Pieri! E son une vore di ains ch'a l'è lât a pojà i siel vues a un pâr di metros sot tiere; epur mi pâr di viodilu come ch'al fos cumò a remenâsi in place dal Marçjât, cu la pipe in bocje e la scorle daûr la schene, fra miez dai barachins des rivindiculis, par viodi s'al rivave adore di combinà quachidune des sôs baronadis a damn di qualchi forest.

Cui paisans, si sa, no l'ere il câs di riscjâsi, parcè che ormai duc' lu cognossevin e stevin cui voi viers par no lassâsi imbrojà; ma i foresc', e massime i contadins, e restavin incantesemâs de so bardele e de so biele maniere di tratà e cussì e cjapavin di chês rangiadis santissimis che no vevin nancje il coragjo di contalis quan' che tornavin a cjase, par no fa la figure dai stûpis e no fâsi ridi su la muse dal parinc' e dai amis.

Ma intant «siôr Pieri» se gjoldeve es lôr spalis e, plui di qualchi volte, ur scrocave o un bon gustà o, a la plui desperade, une butilgje di chel bon ta l'ostarie di Meni Zonte.

• • •

Une dì, a l'ere za un pâr di oris ch'al zirave intôr de place come un oseladôr te so bressane, ma nol veve ancimò cjatât nissun dordel di ciapà ta so rê, quan' ch'al capite dongje a un contadin ch'al discoreve cun tre o quatri siel compains cjatâs al marçjât e si lamentave parcè che a so fi j tocjave in brêf di là soldât.

A Pieri i ven su une idèe luminose e al decit di profità di cheste ocasion. Al va dongje al contadin e al tache discors cun lui.

— Alore, paron, i vês un frutat che j tocje di là sot e vô i voressis tignîlu a cjase?

— Si sa, po'! J ài nome chel fi e j tocje di partî propri cumò ch'a l'è tant di chel lavôr in campagne!

— E alore, parcè no lu faseso scartà? A l'è cussì facil!

— Ce! Saressial qualchi miez par combinà?

— Un miez siôr che jò soi dispost a insegnâus.

— Po' ben! Vignît cun mê ch'us pai un bon gustà. E s'j rivâis adore di fa scartà gno fi, us fâs puartà de me femine un blel pâr di cjapons!

E il contadin lu cjape a braz e lu mene a gustà ta l'ostarie di Meni Zonte. Là e mangjî duc' i doi come lôfs e bevin come spugnîs e, a la fin, si fasin puartà un bon caffè cul spali. Il contadin al pae il cont pitôst salât e po' i dîs a siôr Pieri:

— Cumò, po', mi insegnarês il truc'!

— J soi ca par chel! a vô us interesse une vore di tignì a cjase il frutat?

— Pardiane! Si capis!

— E, scusait, seso vô un bon pari di famée?

— J podés domandà a duc' informazions sul gno cont.

— E saressiso dispost a fa qualchi pizzul sacrifici?

— Naturâl! Nancje discori!

— Benon, alore! Cognoseso siôr Berto Passét, chel ch'al vent sclopis e pistolis?

— Eh, sì che lu cognós!

— Po' ben: i vês di là te so buteghe a comprà une rivoltele.

— Seso mat? E ce àò di fa di jê?

— J vês di tirásí une bale tal « nominepatris » cussí il vuestri frutat al devente fi di mari vedue e lu scartin di colp. J vedés che si trate di un miez pratic' e sigûr. No us pàrial?

Si capís che siôr Pieri no l'è fermât a sinti la rispueste dal contadin, sinò al riscjave di pajà cjâr il gustà che i veve scrocât.

* * *

Un'altre di al steve pacific' in cjase, ocupât a netà la so famose pipe che no voleve tirà, quan' ch'al jentre un vecjeto cul cjapiel in man e j domande:

— Saressial a sta achì, par cās, siôr Pieri Furdûcje?

— J soi iò, in persone. In ce puedio judàus, paron?

Il vecjo al comence a zirà il cjapiel fra i dêz, al cjale di cà e di là e po' si decit a fevelà:

— Siôr Pieri, iò j sares vignût par regolà un pizzul contùt.

— Ah, sì? E ce contùt, mo?

— Eco... vuestri siôr pari, requie, al veve un debitùt cun mè par vie di un purcit di grasse ch'j vevi vendût.

— Benon, benon!... Ma, j vedés...: a l'è misdi e no ài nis-sun in cjase; anin a gustà ta l'ostarie e j combinarin l'afâr.

Cussí e van duc' i doi a la Tratorie de Pueste e si fasin servi un gustà di siòrs. Pieri al parave jù a quatri gramulis senze di une sole peraule. Il contadin al cirive di vierzi il discòrs su l'argoment che j interessave, ma chel altri al spesseeve a mangjâ e al faseve di moto cu la man: « Lassin par dopo! ».

Bevût ancje il cafè e pajât il cont, il vecjeto si volte a cialà siôr Pieri che finalmenti al tire un sospiron e si decit a fevelà.


— Si mangje ben ca, no us pàrial?

— Eh, sì, propri ben, siôr Pieri.

— E alore, vino di sistemà il nestri afâr?

— J ài fat il viaz par chel, siôr Pieri.

— Vedin, vedin... Di trop saressial il gno debit?



— Cinc' cjaris rossis, siôr Pieri.

— Cinc' cjaris! E jè une somute migo tant pizule, no us parial? Veso qualchi scrit di podè mostrà?

— Si sa po', siôr Pieri, j pués puartalu, s'j volès.

— Us crôt, us crôt... Ma disemi une robe: Tros àins veso, mo, paron?

— J ài passàs i otante.

— Ce veso dit? I otante?

E siôr Pieri al jeve in pîs di colp.

— Ma alore l'afâr si sta pôc a combinalu. Sicome che vô no starès trop a là a cjatà lassù poar gno parì, che Diu lu vebi in glorie, cussì j podès intindisi diretamentri cun lui e fâsi saldà il vuestri credit. Stalmi ben e buine fortune, paron!

E cence zontà une peraule, al cjape il trentun e vie come la saète.

Il poar vecjo al reste là cu la bocje vierte cence vè il coragjo di fa un sol pas par fermalu.

* * *

Nol è di meraveâsi se qualchi volte an combinave di chês che lu fasevin là a finile in Preture o in Tribunâl. Ma lui al cjatave quasi simpri la maniere di puartâsi fûr cence consequenzis. Al butave là qualchi stramberie di chês ch'al veve lui la specialitât, i gjudis no savevin cemût cjapale e dut al finive in t'une ridade.

Al zirave une di pal marcjât cul sigar in bocje invezi de solite pipe, quan' ch'al viôt une femine che jentrave in place in chel moment e tirave pe cjaveze un biel mussut cjariât di mercanzie. Lui i va incuintri e femine e j domande:

— Fermalsi un moment, paronzine! Saressiso contente di vendimi il vuestri mus?

— Mi displâs, siôr Pieri, ma a l'è tant timp che lu ài cun mè, che no ài voe di bandonalu.

— Ma almanco mi permeteso ch'j disi dos peraulis t'une orele?

— S'j rivals a fâsi capì, fevelai pur tan' chj volès.

Bisugne savè che la parone dal mus i veve picjât, di ca e di là dal bast, doi zèis plens di ûs e un pôs di polez par vendiu al marcjât. Siôr Pieri i va dongje al mus, al fas fente di cjacarai sot vos e intant i bute dentri in t'une orele la bore dal sigar. Il pòar mussut al salte par ajar come un spirtât e al comence a tirà scalz a drete e a zampe a riscjo di copà chei che passavin pa strade. I doi zèis di ûs e van a finile par tiere e i ûs, nancje discori, e van duc' in fertae dal prin fin l'ultin.

La storie, si capis, no jè finide cussì: la rivindicule e à fat clamà siôr Pieri davanti dal Pretôr che za lu cognosseve par vie di altris questions di chel gjenar.

— E alore, siôr Pieri, an veso combinade un'altre des vuestris? — Su, siorute, contaimi ce malan che us à fat.

— Siôr Giudis, mi à fracassât duc' i miei ûs, chel muse di pote!

— Cemût al fat?

— A l'à fevelât al gno mus e la pôare bestie si è metude a saltà come s'j fossin jentrâs dentri duc' i demonis da l'infiêr!

— Contaimi, mo', Pieri, ce ch'j vês dit al mus di cheste femine.

— Oh, siôr Giudis, une robute cence impuartance. Lu à nome visât che so agne e jè muarte e che j à lassade une bieie ereditât. Si viôt che il mus a l'à vude tante contentece che si è metût a saltà cence visâsi dai ûs ch'al veve su la grope.

— Baste, corpo di une bombe! - al sighe il Giudis, ros di rable come un peveron. Crodeso di menami atôr come un pôar basoâl? Vâimi fûr dai pîs, che jè ore di finile cu lis vuestris cjastronadis!

Siôr Pieri, si sa, no s'al à fat tornà a ripeti dos voltis: a l'à ciapât il trenteun e vie di corse.

Ma la poare femine, pôc sodisfate dal risultât de so que-rele, si rivolte al Giudis sigant:

— E alore, cui mi pàjal, cumò, i miei ûs?

TONI BIDEL

Ancje jo...

*Tal grant arint de gnot
'o cjamini crodint di no sei nie.*

La mê ombre pizzule ma scure...

*M'inacuàrz che ancje jo
'o passi
par cheste strade.*

RENZA SNAIDERO

“ In puosta „

*Ridi
istupidit
de luna,
tra rama e rama,
su la nuòt
ch'a no duâr.
Respiru de ombris;
ingordu lusôur
de uoi
tra fuoia e fuois.
Silensiu font.*


*Sguòl
temeòus
de crècula
sul speli
d'aga.
Un colpu, doi...!
D'ala
'na furia
indemoniada.
Un tonf!*

*Baià
furiòus;
tra fuoia e fuois
'na sercia angossada.
Sul gret,
da l'altra banda,
un'ansia desperada,
muta...*

*In ciel
a còr 'na nula
in sercia de la luna:
a la cuiârs.*

RENATO APPI

Jugn



- 1 M s. Anzule m. ⑤
 † 2 M Procl Republ. Ital.
 3 J s. Clotilde reg.
 4 V s. Quirîn v.
 5 S s. Valerie m.
 ✠ 6 D **Pentecostis**
 7 L b. Ratchis di Cividât
 8 M s. Medoro ⑤
 9 M s. Prin m.
 10 J s. Margarite reg.
 11 V s. Barnabe ap.
 12 S s. Basili v.
 ✠ 13 D **SS. Trinitât**
 14 L s. Basili v.
 15 M ss. Filîz e Fort. mm. Aq.

- 16 M s. Aurelian ⑤
 ✠ 17 J **Corpus Domini**
 18 V s. Efrem di Sirie
 19 S ss. Jervâs e Protâs mm.
 ✠ 20 D s. Silveri p.
 21 L s. Luigi Gonzaghe
 22 M s. Nicete d'Aquilee
 23 M s. Agripine v. m. ⑤
 24 J s. Zuàn Batiste
 25 V S. Cûr di Gesù
 26 S ss. Zuàn e Pauli mm.
 ✠ 27 D s. Ladislao re
 28 L s. Ireneo v. m.
 ✠ 29 M ss **Pièri e Pauli**
 30 M Comem. di s. Pauli ⑤

Il paradîs dai puars

Me à contade il capelan di... 'Tal so pais al viveve un om, c'al veve une ciasute e qualchi ciampùt, insieme cun so sùr e cun so mari: lui al lavorave pôc parzé c'al ere simpri malamentri in salût e nol veve mai pensât di maridasi e du'c e crodevin c'al ves di restà vedran. Cussì vivevin ducju tre sbarcjant lunari 'te lor miserie ma almancul in pâs. Ma une dí, no si sa cemût che jé stade e lade fûr la cjacare c'al voleve maridasi, e la cjacare ere vere; si ere inamorât di une fantate, ma une fantate in gamba intindinsi, che ere vignude a servî in t'une famee di contadins, di no sai quâl pais e che di so no veve che la dote dal Friûl... Du'c no vevin che ce dí: il capelan lu fâs clamà e i fevele in confidenze e a la buine. — Viôt ce che tu fâsis, no é robe par te, tu âs pocje salût, tu ti pentirâs dal sigûr, — e lui senze capi, ma dut beât i rispiunt — Ce vuellal siôr capelan, a l'é il paradîs dai puars!... — Cussì al si à maridât. Ma pôc timp dopo so sùr simpri in barufe cun so cugnade si é giavade di cjase, so mari si é ritirade, puare femine, plene di lancûr in t'un cjanton di cjase, e lui magagnât di polmons come c'al ere, nol à resistût a lis delicis dal matrimoni e finît di pierdi la salût a l'à finit tisc t'al cimiteri.

SP.

Une cjoche...

Un puar om cjapât 'te miserie, blestemadôr par nature, no savint plui cemût menale a l'ere lât al mercjât a Codroip par vendi il so mus.

Tire, mole, dai e torne a dai, tirât di ogni bande dai sensârs a l'à finît par molalu par cinc cjartis. Ma il mercjât a l'é simpri pericolôs, e cussì pentit, rabiôs pa l'afâr no masse bon, al scomenzà a zirâ pes ostaris e ricuardansi dai tîmps passâs i pareve un dovê il cjapà une cjoche. Rivât 'te ultime ostarie insomp dal pais al blestemave come un turc cuintri i ustirs e il vin e ancje cuintri di lui, parcé al diseve che prime de uere i bastave un franc e cumò nancje cul presit di un mus nol rivave a cjapà une cjoche. Sintint tantis blestemis a jentrà une uardie e j à fat pajà la multe. E lui pront, al stave apene in pins, — c'al sinti siôr, jò pai la multe e mi vanzin nome dis francs, j doi ancje chei baste che mi lassî di ancje une altre blesteme...

SP.

Il muc



Nol iere pui sul prin dà
- su: a disevin ch'al stave
tal « Comant » di San
Scjefin e al veve cognos-
sude V. e la bujade dal
cûr si ere scjaldade tal
soreli da l'Italie. Un fûc
tîvit a la todescje: chel
tant ch'al iere vonde par
falu vignî cajû a pierdisi
in chel strabalz. Al pas-
save impicotit e inviât a
lît dal gno mûr e su la
muse une plee dure, che
j vignive di dentri. E il
strabalz, al iere chel maz
di rosis rossis, ch'al stren-
zeve simpri tune man
straneade. Bielîs ce ch'a
si podeve cjala' cun doi
voî; ma ch'a parevin sca-
turidis a maraveadis di
ciatâsi tal rai glazzât di
che cjaladûre, ancje se un
pôc indulcide. Al passave
cidin a lît dal gno mûr
strenzint chês biadis rosis
come s'al vês vût une
sclope.

Cjs'cjel di Montenârs

*Cjs'cjel di Montenârs,
un cret parsôre el cret,
a plomp:
e sot, masérie di pieris grandis
fin jù ta l'âghe
che va pe gole fonde.
Sui toi mursûis di mûr,
salt al sta el rôl
e blancs 'e passônin i nui
tal prât celest dal cil.
Orêle in scolte,
vierte tu sês,
su la valade largje,
lontane ormai
tun vêl di nostalgie.
Dongje,
ti cjântin i rusignûi,
e i lilios blancs
t'incénsin.*

ENRICA CRAGNOLINI

Placia a Udin

*Placia a Udin,
flurida a miegianot
da pié 'na falda viola di cristal,
cui arcs dislisiriz
ch'a' tégnin l'ombra,
davierti' a rosa
duti' li' coloni'.
E il gno cour al va
ch'al si disgreva (1)
sot i glons da l'ora immatuida, (2)
frescja la placia intôr
come na giòa. (3)*

NOVELLA CANTARUTTI

- (1) si alleggerisce.
(2) incantata.
(3) corona.

Lui



La machine a Passaricam

- | | | | | |
|--------|--------------------------|--------|------------------------|---|
| 1 J | Preziôs Sanc di Gesù | 16 V | B. V. del Cármine | ☉ |
| 2 V | Visitazion di M. V. | 17 S | s. Alessio c. | |
| 3 S | s. Eliodoro d'Altin | ✠ 18 D | s. Camil de Lelis | |
| ✠ 4 D | s. Uldari v. | 19 L | s. Vizèns de Paoli | |
| 5 L | s. Filomene m. | 20 M | s. Jeroni m. | |
| 6 M | s. Isaie prof. | 21 M | s. Prassede v. | |
| 7 M | ss. Ciril e Metodi v. c. | 22 J | s. Marie Madalene pen. | |
| 8 J | s. Lisabete reg. | 23 V | s. Apolinâr v. | ☾ |
| 9 V | s. Veroniche Giuliani | 24 S | s. Cristine v. m. | |
| 10 S | ss. Siet Fradis mm. | ✠ 25 D | s. Jacum apuestul | |
| ✠ 11 D | s. Pio I pape Aquil. | 26 L | s. Ane, mari di M. V. | |
| 12 L | ss. Ermacore e Fortun. | 27 M | s. Pantalon m. | |
| 13 M | s. Genio p. | 28 M | ss. Nazari e Celso mm. | |
| 14 M | s. Buineventure | 29 J | s. Marte v. | ☉ |
| 15 I | SS. Redentôr | 30 V | s. Giudite v. | |
| | | 31 S | s. Ignazi di Lojole | |

Parcè che 'l ragn al puarte 'ne crôs su la schene

Sant'Osèf e la Madone cul Bambin 'e stavin scjampant plens di pore viers l'Egit, colpe chei mostros di soldadâz di Erode, che ur davin daûr tant che danâs.

Sot sere, finalmentri, 'e poderin lôr platâsi t'une grote cjatade, par vêr miracul, t'une boschete di ulifs. Ma eco capitâ lî dongje, subite dopo, ancje doi di chei manigoldos.

— Ve' cul che si son strissinâs dentri lôr — al fasè a colp un di chei doi, mostrand la grote. — Cjale mai ce ufiei, 'e son colâs dibesso tes nestris grifis...

— Ma no viodistu, dordelât, che tele di ragn denant la buse? — 'i rispuindé chel altri — Cemût si puèdial mai strafujâsi là dentri senze sbridinâ prime la tele?

Persuadûz di ché prove i doi si slontanarin un pas a la volte, zirint inmó pai fossai e 'tas zîsis e lassânt cussì a pàs i nestris puars viandanz.

E al é parchél che 'l ragn che cu la so tele, cjessude t'un lamp, al veve salvât Sant'Osèf e la Madone cul Bambin dai lôr persecutôrs, al puarte, di 'n che volte, a ricuart de so pietât, 'ne crosute nere su la schene.

RINALDO VIDONI

*Da un reume universâl
Ridòt in jèt un tâl
Pacioc e basoâl*

... chiama il medico che gli ordina vescicanti e sanguisughe; e il paziente mangia quelli e queste dopo averli fritti nell'olio; ma preso da forti dolori, manda d'urgenza a chiamare il medico, il quale chiede al paziente:

- « e i visciganz?... oh chei a erin crocâns!
- « e lis sanguetis?... oh chês a erin perfetis!
- « e cuetis in tal ônt, - il miôr mangiâ dal mont!
- « e ce bon bevi daûr!... o mûr dotôr, o mur! (1)

(1) Si pree di ja cognossi al avocat T. Linzi di Spilimberc la part che mancje e l'autôr.

La létare de mame

Une sere scure e frede, in t'un paisut rimpinât su la montagne, a la prime cjase dal borc di sore si sinti fuart a zocâ 'te puarte. Anute, che spetave senze speranze so marit c'al ere lâf legionari a bati in Russie 'e fermâ di colp la gorlete e si strenzé al sen il so frutin: so madone Marie, che gucjave dongie il fogolâr, di bot si alzà in pins e a è restade come di clap e su la muse palide contornade dal fassolet neri leât sot dal barbuz, inluminade apene da la flame di quatri ramâz di pez che ardevin sul fogolâr, al pareve che lis ruis si infossassin di plui: Ce tanc' dolôrs, ce tante miserie, ce tantis poris in chei ains! E cumó? sarâl so fi... sarano i todescs... sarano i partigians!...



Une blesteme e un altri colp come di une pedade 'te puarte. Dite une giaculatorie Marie si fasé coragio e tremant a l'è a viargi. Doi frutas cun t'un scufin sul ciâf, armâs cu la muse dure e

il voli turbit, entràrin puartant su doi ramáz e un têt di tende, distiràt un zovin da la muse di frut cul cjâf fassât, blanc come la cere, i voi siaràs e c'al gemeve.

— Si clame Mirco, a l'è un dai nestris, a l'è di Precenins, al puartave ordins, lu an ferit i todescs, an crodût c'al fos muart, al sta une vore mál... faseit miôr che podeis e uardaisi dai todescs che son pa la vâl. — E dit chest pojade la puartantine in miez de cjase 'e scjampàrin vie.

Anute e Marie si cjalarin in muse: un dolôr di cûr fuart a veve cjapât il puest de pore, par un moment il lôr pensar a l'ere lât lontan... il frutin spaurit al vaive... po a plan e cja-pàrin su il frutat e lu puartàrin adalt, tal jet matrimoniâl, senze svistilu: nol vedeve, nol sintive, al gemeve simpri e che' gote di aghe o di lat che i metevin cu la sedon fra i dinc' 'e saltave fûr pai cjantons de bocje: ogni tant al zavariave, brutis peraulis che no si capivin, qualchi blesteme. Cui erial chel puar zovin? Tal tacuin al veve la cjarte di identitât, ma chel nol ere sigûr il so non, e in t'une bustute fruiade un santut e un ritrat, chel de so mame, une puare femenute che lu sospirave lajù a la Base: bisugnave visale.

Tal doman apene che un fregul di blancôr al vignî su dai pics indarindâs des mons Anute, di scuindon 'e l'è a visà il capelan e a clamà il miedi che ancjè lui di scuindon al rivà lassù, po a l'è a cjatà une di chês féminis che lâvin pletis sot la cosse lajù in planure a ciri un pocje di blave, parzé che impuestàs, apene rivade in plan, une letare pe' mame di chel frutat: la visave in buine maniere che so fî al steve mál e che se lis fuarcis la vessin judade 'e fos vignude a cjatalu.

Il miedi visitât il malât al à fate sentenze: une scae di bombe a man j ere restade tal ciâf, nol ere nuie ce fa.

Il capelan nol veve podût fâssi capî.

Mirco a l'è stât sui paradôrs quatri dis: la fiere lu brusave e la salive i bulive tal sgraseâr. Une sere, Marie che lu veglave, si è sintude a clamà:

— Parone? 'o al voe di confessami. Anute 'e l'è di corse a clamà il capelan. — C'al vegni subit, Mirco al ûl confessasi. — Impussibil, nol capîs, nol po fevelà. — No c'al vegni di corse, a l'è in sé. — Quant che il capelan finit il so ministeri al si slontanà, Mirco la clamà: — Parone, grazie di dut, o soi content, che mi judi a di l'Avemarie, 'o ricuardi apene lis primis peraulis ... a l'è tant timp che no prei... puare la me mame, cuissà ce che pense di me... —

La gnot di gnûv al si pierdé vie; al zavariave, preieris, blestemis, peraulis a miez... e dopo pòs dis al finî di patî: il so-

reli al lave a mont, il païs si involuzave tal scûr e in bas 'te vâl plene di misteri si sintivin i colps di mitrae: si copavin partigians e todescs.

Tal doman a è rivade une letare ma a l'ere ormai masse tart: Anute la vierzé dopo di ve' compagnât Mirco al cimiteri. Ere une letarute scrite a la buine s'un t'un sfuei di quaderno di scuele, la letare de mame che diseve dal dolôr di savelu ferit, in miez dai pericui, in miez salacôr di compains trisc' e lu sconzurave di pentisi, c'al si ricuardâs dal dí de so prime comunion cumò c'al ere ferit, parcé che Dio lu uardi al podeve ancje muri...

La letare ere rivade tart, ma il Signôr al veve sintude la preiere dal cûr di une mame che vignive di lontan e al veve provedût a timp.

PIERI SOMEDE DAI MARCS

“Cul cour in man,,

*Cul cour in man
jò t'ai spetât che te tornàs
dal « Lasimpon ». (1)
ai 'sguoitât li' casselis,
ai netât l'armaron,
come in che' uolta...*

*Sensa doman
jò te savevi, e te spetavi!
De tant in tant
jò te sintivi di li' preghieris
come 'na uolta
tal timp lontan.*

*La cjasa a tâs
squasi a confondisi tal gran silensiu
colmu de te.
Tu no te sâs che no pous vivi
se no te rivis
prest 'chi cun me.*

RENATO APPI

(1) Derivato dal vocabolo tedesco Eisenbahn (ferrovia). Nella parlata comune si impiega per indicare un paese lontano; molto spesso si trasfigura per significare un paese favoloso, inesistente.

I serci...

*Sot l'ombra dal punt
a no còr aga ta li Miris-cis:
a son ains.*

*I no saj dula c'an cres
e un vint senza vita
al ingropa i morârs
e al parta via li fuejs.*

*I serci il frut fêr
par ains forsi a insumiasi
dongia la roja da li Miris-cis.*

*I serci l'aga odorosa
e la musica da li fuejs
muartis di sera.*

DOMENICO NALDINI


Istât

*Sturniment di pinsîrs
pegris
strozâs tal cjalt
penz dal misdî.
Pâs senze fin...
a colp crevade
dal ciantâ des cialis
sul pôl impisulît.
Butât
di ruviars
sore l'erbe
pleade a robami
la forme dal cuarp,
'o spîi
l'arcâsi lizêr d'un fros
al pojâsi imburit
d'un avon.
Pinsîr
carulît tal scjafojaz.*

NELLO BLASATO

Avost

Tubaro



In cjase da l'oseladôr

✠ 1 D s. Pieri «in vinculis»

2 L Perdon di Assisi

3 M Invenz. di s. Stieffin

4 M s. Domeni c.

5 J La Madone de Nêf

6 V Trasfig. di N. S. 9

7 S s. Gaetan di Thiene

✠ 8 D s. Ciriâc e co. mm.

9 L s. Zuàn M. Vianney c

10 M s. Laurínz m.

11 M s. Tiburzi m.

12 J s. Clare di Ass.

13 V s. Ipolit m.

14 S s. Eusebi predi 10

✠ 15 D Assunz. de Madone

16 L s. Roc c.

17 M s. Giacint c.

18 M s. Eline imp.

19 J s. Zuàn Eudes

20 V s. Bernart ab.

21 S s. Donât e co.

✠ 22 D Cûr Im. di Marie

23 L s. Filîp Benîzi c.

24 M s. Bortul ap.

25 M s. Ludovî re

26 J s. Sandri m.

27 V Siet Gaudios di M. V.

28 S ss. Denêl e Gustin

✠ 29 D Decol. di s. Zuàn Bat

30 L s. Rose di Lime

31 M s. Raimònt s.

Cîl dal gno cûr

*Cîl, cîl! Jarsere a' jerin stelis
sot dal celest ruan
e jo cu la muse ridint
ti cjalavi, cîl dal gno cûr.*

*Cumò al è innulât,
al plûf di stravint
e chel vieri balconût
si remene ciulant.*

*Aiar, aiar! Ce pene tal gno cûr,
al svinte tramontan:
balcon, tâs cidin
no sta vai cun me.*

ENNIO TOTIS

Soi pronte...

*Lusignute
simpri plui basse
tal lumin quasi suiât.
Ultimis fueis
d'un arbul disfueât
colin lis oris
te eternitât dal timp.
Daûr di me
une lungje strade;
denant pôs pas:
o soi rivade.
Ma ancje dopo
al lusirà il soreli
tal turchin ridint
dal cîl,
e lisgnos
saran plenis di stelis
e i griz cjantaran
a mil a mil...
e jò tal scûr: bessole...
Signôr, ce baticûr
ce sgrisui jù pe schene!
Ma anin: soi pronte!*

FRANCESCA BARNABA

El sclopòn

— Oh! Diu Signôr! propri cà donge di me a jan tirât sù la crôs — a zem une plante vidrize di goròful, che 'l ja un colôr, no si capís, se 'l bute pitost al zalût o al blanc — A jan mitût in crôs el nestri bon Signôr!

Cui mai 'l varéssie crudût une robe cussì maladete!

E veju lí che i sbelein ancemó chistis canais, e i spudin aduès, robis di fâ vigní el sgrisulâz ancje a di une bestea che à el cûr pelosât!

Che puere plantute si môf, je, come par lá sù in alt e rivá a tocjâi almancul i pis benedèz forâz cun t'un claut dut rusinît, i pis par vie dal pês dal cuarp a son lì e lì par slam-brasi.

— Oh! se podessi rivá almancul fin a lì a bussâi i pis, a fâi a cjâr par che 'l sinti un pôc di cunfuart, el nestri bon Signôr e che 'l rivi fin sù inalt da crôs il miò odor di bon! — al dis el garòful.

Intant jù pa crôs al ven jù a spizzulòn el sanc e lì da pis da crôs, propri dongje da plantute dal garòful la tiare a s'im-bombe di chel sanc benedèt e chel sanc dal Signôr a lis ladrís al met aduès come un fûc che lis scjalde ayuâl e cussì chês ta chel cjalt a si movin, si messedin e la plante dal garoful a cres a cres sot i voi e 'l garoful al ven sù al ven sù e al è zà rivât a tocjá e a cjarezzá i pis dal nestri Signôr che 'l pene su la crôs.

Ze ise ze no ise, in chel el sanc al s'imbrucís; al salte fûr come 'l montafin; no si viôt plui il soreli; la buere si mole jù dai nûi dal zil, cun t'une ploie che fâs tremâ la tiare; ziu-lóns a passin vie par l'ajar: a son lis animis in pene che domandin perdòn pai peciás! La crôs dal Signôr su la Mont dal Calvari a jè par sei rabaltade da bugadis da buere; tons e saetis e un scûr di zimiteri. La intae a scjampe vie jù pa mont e ti à une paure maledete di sei imbrincade da Muart e ti zire cu la falz par chel scûr di muritori e tae e puarte cun sê duc'chel che s'intopin ta chei vués che fasin cric-crac.

— Al è muart el nestri bon Signôr su la crôs — al dis el nestri garoful — Ma jo sôî rivât a bussâi i pis e 'l Signôr voltant i voi viars da tiare al mi à viudût e 'l mi à binidît prin di murí! Oh, Signôr, bon Signôr, perdonaigít a di chiste jnt: a jè triste sì, ma a jè triste par vie che à el cûr plen di odi e quant che a savarà che vô a sês vignût a murí sun chiste tiare dome pal gran ben che i vuarês, oh, Signôr, viodarês che podará doventá buine!



El garoful al si a tacât tór
da fride dai piz e al sint che
'l sanc no 'l spizzul eplui; al
sint come a sclopâsi di une ban-
de la scussute che lu ten adûn:
al è sclopât pal gran dûl che 'l
ja vût pa muart dal nestri Si-
gnôr.

Ma passe pôc che 'l mont al
si calme la buere a si dispiart
jù lontân pa basse; a jà finit
di sglavinâ e fûr dai nui al
torne a sbrissâ fûr el soreli e
su la mont d'l Calvari al si pre-
sente biel l'arc di san Marc.

Da pîs da crôs dal nestri Si-
gnôr - tu viodis cumò un biel
sclopòn, ros ros come 'l fûc,
sborfât dal sanc benedet.

D'in ché volte in cà el sclopòn
ros : 'l è propit el sclopòn dal
cûr. Se tu passis pa vilis dal
nestri biel Friûl, jù pai barçons
da nestris frutatis che tal cûr
a sintin a mòvisi l'amôr e di
gnot a s'insumiin di vè sul grin
un biel bambin, tu viodaràs a
butâsi pî a pindulòn ches biel
plantis cun chei sclopòns ros
che fasin vigni la biele voe a
cjalâju.

E la frutate cu la prime bus-
sade a darà al so fantat el plui
biel sclopòn da so cjase.

DOLFO ZORZUT

Setèmbiar



- | | | | |
|--------|-------------------------|--------|-------------------------|
| 1 M | s. Egidi | 16 J | s. Corneli m. |
| 2 J | s. Stieffin re | 17 V | Stimatis di s. Francèsc |
| 3 V | s. Eufemie di Aquilee | 18 S | s. Josèf di Copertin |
| 4 S | s. Rosalie v. | ✠ 19 D | s. Zenàr v. m. |
| ✠ 5 D | s. Laurinz Giust. ☽ | 20 L | ss. Eustachi e co. mm. |
| 6 L | s. Petroni v. | 21 M | s. Matie ap. |
| 7 M | s. Anastasi di Aquilee | 22 M | s. Tomàs di Vilegnove |
| 8 M | Nàssite di M. V. | 23 J | s. Lino p. m. |
| 9 J | s. Gorgòn m. | 24 V | s. Tecle v. |
| 10 V | s. Nicole di Tolentin | 25 S | s. Aurelie v. |
| 11 S | ss. Proto e Giacint mm. | ✠ 26 D | s. Cipriàn m. |
| ✠ 12 D | SS. Non di Marie ☽ | 27 L | ss. Cosme e Damian |
| 13 L | s. Zuàn Berchmans | 28 M | s. Venceslao duche |
| 14 M | Esaltaziòn de S. Cròs | 29 M | s. Michèl Arcagnul |
| 15 M | La Dolorade | 30 J | s. Jaroni dot. |

L' oseladôr

Une volte, doi o trei birbonâz si son metûs a vosâ: «Pieri, ve' i carbinîrs»! Lui si met a cori come un disperât, e al va par montâ sore une passerele, ma cheste no ere, parzé che la vevin fate saltâ. Pieri si bute 'ta l'aghe cu lis scjaipis e, par salvâ i siei ucei, quasi s'ineave.



Un siôr 'i veve otignût la licenze par c'al las a ucei par lui. Fin es siêt di matine al stave Pieri e po vignivin doi fruz 'ta tese.

Une robe curiose ere cheste: fin es siet no passavin mai ucei! Il paron de licenze nol à lassât là plui Pieri e invessi a l'à mandât i fruz ancje prin des siet.

Apene chi lu hai cjatât, 'i ai domandât: « Cemût po, Pieri,
non váis plui 'ta tese? »

« A jè jnt triste in chest mont, siôr! »

* * *

Ogni tant incjmó i puartin vie i ucei, simpri d'acordo cu
la so femine, viers la qual, cun dut ca son i ucei di miez,
l'è simpri afetuôs.

Pierí al conte che quant c'al lave a fa' l'amôr, al diseve
a sô morose: « Lisute, vino di doi cûrs di fant un sol? No
sarin doi uzelus ».

E al bale incjmò, in s'cjapinele, ta cusine come un fantât
di vin'c ains!

TONI FALESCHINI

Bissebove

*Il mond si è ribaltât cu l'ajar
e il cûl l'è diventât pantan.
Gotis raris e fofis,
zinglinà su lis gornis
come un sgripì di passare
e un rot sunà di cops.
Alore la slavine e bute il coventôr
de sô fumate blancje
e tal ajar l'odôr sbalzât de tiare.*

*Tal cûr un lusi di balcon sbatûs
e di saetis e un tremôr di sanc.
La none cu l'ulif e la brusate sul spoler.
Da tramontane a rivà un seren garbin
come un sunà di fieste.
Il gatul senze pols cu l'aghe sore
e un celest lusi di cûl sui cops.
In t'une lindule bave di nulez
il brundulà lontan si sfante.
E in tal soreli vîf,
imò l'odôr de ploe.*

ALAN BRUSINI

Miei prime

— C'a sinti siore, dulà isal chel tram c'al mene in tal Ospedâl? — mi domande une fêmine di pais, une vore gofe, che mi vèn dongje in plaze.

E à la sporte plene di pachetuz e di ûs involuzàs te cjarte un par un: dute robe di puartà a un malât, daûr chel c'o capis.

I spiegghi che cumò nol é plui il tram (ma je à cjale lis scinis che son ancemò li e no sa se à di cròdimi) 'i dis che si scugne cjapà l'«autobus» c'al fâs la stesse strade e, par vie che j vuèi ben a la me citât e che o mi ten in bon di duc' i mioramens che son stâs fâz, no mi pâr vere di continuà:

— Se savès ce svêlt c'al va! E je une comoditât grande, une beleze.

Si va in stazion, a Sante Catarine, fûr de puarte di Gle-mone, in t'un lâmp. Si monte e si dismonte senze tant sburtà; e no si fâs nancje la fadie di viargi e siarà la puarte. Eh, cumò Udin 'a nol è nuje di mancûl des grandis citâs... Velu, velu c'al rive! Je che végni daûr di me; ancje jo o ài di là in su. Cussì e montin. Jo o pai il bilièt e o voi indenant par contentà chel noiôs di biliêtâr c'al continuê come un organet: avanti signori! avanti c'è posto!; ma je, la puare fêmine, no sa come che à di fa a sta in pins e tant mancûl a pajà.

E ce spettacul di zirade che fâs tal svolt, di Marciâtvieri!

— Crabolt, cà si scugne balà ancje se no si à voe.

— Svelta signora, biglietto.

A cîr di viarzi 'l tacuin e un'altre scosse 'i fâs fa une corsute indaûr, po' dopo une indenant.

— Dindio! ce trabacul ano tirât fûr cumò; al puarte sul serio in tal ospedâl chel chi! Al jere miéi prime.

E chel dai biliez c'al à piardude la pazienze:

— Supo parone, distrigaisi se no olês che us fâsi dismontà.

Altre sdrondenade. Cheste volte la puarine e va squasi a bussà un siôr c'al spiète daûr di je.

— Che scusi, io non ci ho colpa.

Par fale curte, pajât 'l bilièt, 'a procure di là indenant par ciapà un puest c'al è restât libar; ma, nancje che fos tal «Castello Incantato» dal zardin grant, 'a scûgne cjapà la corse «a giambis» come se un cjan al cirís di muàrdile. Po si plee dute di une bande, 'a piart l'equilibri e po dopo: crac... 'a si sinte su la sporte che, cui sa come, e à ciapât 'l puèst di je.

Rosse e sudade, tant che se ves svangiât tal ort, 'a si volte e...

— Cumò nissùn mi môf, nissùn mi môf di chi!

Veso vidût? Chest trabacul dal diàul al mi à fat rompi i ûs. Jo o ài pajade la corse — no jse vere lui moro? Ben, cumò, crabolt, mi pajarès la fertae c'o ài sôt di me!

Duc' la cjàlin e duc' a ridin. Ancje jo no puès tignimi e, tant ben c'o soi rivade, 'o dismonti svelte, un grum malapaiade, par vie de brute figure c'al mi à fat fa chel « trabacul » che o vevi tant laudât.

LUCIA SCORZIERO

Il mès di maj

*L'è un incjant co' il soreli a matine
al met fûr il so disco dorât.*

*La rosade à ingrumât 'ne perline
su ogni ponte di erbute tal prât.*

*Il sturnel su la glesie al busine,
l'usignûl l'à fermât il sivîl,
la sisile sul lastri 'e curliche
e la lodule e cjante pal cîl.*

*Cent floruz dal grimâl di nature,
a mazes i rosârs e i sclopons
fasin « cuc! » fra i spinârs te verzure;
jè un'ariute che jemple i polmons!*

*Un sunôr di cjampanis a sere,
quan' che i gris e concêrtin tal scûr,
al radune i fedef in prejere,
biel finis, ma contens in tal cûr.*

*Lis jadiis e il sudôr dal zarneli
van a ofrilu a la Mari d'amôr:
il seadôr, brustulit dal soreli,
l'artigjan, l'impiegât, l'aradôr.*

*Mentri fûr, te taviele cujete
e floris la nature, tai spis
van formansi i gragnei, 'te spalere
si fecondin i graps su lis vis.*

B. COSTANTIN

Ca parentri

*J vif tai suns
da la natura,
ca parentri,
cu li nûlis
scjarnidis tal zeil
e la braidà sflamiada.*

*In tal me cour zovin
j ai dentri
la vierta florida
e in ta i me vulis
a lûz sidina.*

*Cussi, i vif,
ca parentri,
cu la me anima
screada di passion,
in ta oris dismintiadis
coma se i dis,
ca scjampin cu li nûlis,
che avril al strassina
par sempri,
a mi lassassin
doma il recuart
di essi stât vif.*

TONUTTI SPAGNOL

Di bessôl

*Là sul mar cidin cidin
un moment vorès svualà
par ziri chel curisin
e tornalu a puartà cà.*

*Cheste gnot che jè tant scure
sarà lungje e silenziose
ma tal vueit e vif sigure
'ne speranze tant smaniose.*

GUIDO MICHELUT

Otubar

Tubaro



Il turcli

- 1 V s. Remigio v.
 2 S ss. Agnui Custodis
 ✠ 3 D s. Taresie dal B. G.
 4 L s. Francesc d'Assisi
 5 M ss. Plàcit e co. mm. 9
 6 M s. Brunon ab.
 7 J B. V. dal Rosari
 8 V s. Brigide vedue
 9 S ss. Dionis e co. mm.
 ✠ 10 D s. Francèsc Bòrgie
 11 L s. Firmin
 12 M s. Serafin c. 10
 13 M s. Eduàrt re
 14 J s. Calist I p.
 15 V s. Taresie v.

- 16 S s. Giàl ab.
 ✠ 17 D s. Margarite Alac.
 18 L s. Luche evang. 11
 19 M s. Pièri d'Alcantare
 20 M s. Zuàn Canzi
 21 J ss. Ursule e co. mm.
 22 V s. Ermes m.
 23 S s. Severin v.
 ✠ 24 D s. Rafaèl arcagnul
 25 L s. Crispin
 26 M s. Delfin 12
 27 M s. Florenzi m.
 28 J ss. Simon e Giude ap.
 29 V s. Eusebie
 30 S s. Benvignude B. di Civ.
 ✠ 31 D Cristo Re

Puars cjans

*Simpri ch'a bàin chei cjans
di gnot
daûr dai flârs dai cancêi,
e i vôi ju àn zâi.*

*Ur trime dute la muse, bajant,
tai curtii a' son
bleons a sujâ sui fii di flâr,
e il blanc di qualchi clap e qualchi mûr,
e chel frediz de lune!*

*A' bàin a dute la tiare e a dut il cil
di gnot,
puars cjans!*

LELO CJANTON

“Par simpri,,

*Svampive tal soreli la rosade
e lôr, indorâs di lûs,
e lavin pe taviele
tigninsi par man
come doi fruz.
Pleât cuintri di jè,
lûs e ombris d'amôr
tai voi di more
«Par simpri» lui i diseve;
e in t'un sussûr: «Par simpri»
jè rispuindeve.
Rossis fra il vert des fueis
cucavin lis cjarisis
e pareve che ridessin
sore il simpri
di chei doi.*

FRANCESCA BARNABA

Novèmbar

Tubars
93



A scartorci namole

- ✠ 1 L Duc' i Sanz
- 2 M Il di dai muars
- 3 M s. Jùst m. D
- † 4 J Fieste Unit. Naz.
- 5 V s. Zacarie prof.
- 6 S s. Lenàrt ab.
- ✠ 7 D s. Ernèst ab.
- 8 L ss. Quatri Coronàs
- 9 M ss. Aureli e Oreste mm.
- 10 M s Dree Avelin ⊕
- 11 J s. Martìn v.
- 12 V s. Martìn p.
- 13 S s. Didaco c.
- ✠ 14 D s. Josafat v. m.
- 15 L s. Geltrude v.

- 16 M s. Edmond v.
- 17 M s. Gregori v. €
- 18 J s. Roman
- 19 V s. Lisabete ved.
- 20 S s. Filiz c.
- ✠ 21 D Presentazion di M. V.
- 22 L s. Cicilie v. m.
- 23 M s. Clemènt p.
- 24 M s. Crisogono m.
- 25 J s. Catarine v. m. ⊙
- 26 V s. Corado v.
- 27 S s. Valerian d'Aquilee
- ✠ 28 D I di Avent
- 29 L s. Saturnin
- 30 M s. Dree an.

Majàn di colòrs e aghis...

*Dentri dal timp di frut al sune sagre
a Majàn dal biel tòr.*

*Cjanton di cjase rosse,
cjanton di cjase zale e blancje
te plaze blancje e verde
sot di un soreli salvadi d'avost
(Majàn di colòrs in te memorie)
— e indomenis lusorosis cu lis braidis
insomp e il cil e il Cuel dal Fum adalt
ch'al pendòle tal dopomisdì dal plan:
à sflamiavin in te cjâr dal stomi
blancje e daviarte dai vinc' agn antics.*

*Pò la lune su lis pichis dal bosc,
e pò i gris e i croz e i pôi e jo
e pàs e imò la lune a smalità
tal palût cajù, e i lusòrs
su la viere strade di Cjamp
lupâz dai siprès neris di Susans
tun cil come une muse ferme.
L'istât al à dome un sgrisulâ
di pôi dilunc da l'aghe, par Osòf,
e il ninâ cjalt dai cuei di Buie, insomp...*

*O rive di San Zorz in ca come l'amont
in tun aiar antic di Provenze,
lusint di aghis lontanis, vie par Pers!...
E vadi che je l'aghe a cjantâ:
'e sgrie la sere asiade sul pais
e no si sa s'al è il cûr o i gris pal troi,
e no si sa — Majàn lontan jù par Farle —
se si va o se si reste in scolte
a sinti imò une volte a sunâ sagre
dentri di un timp di frut e di soreli.*

DINO VIRGILI

Dicèmbar



Il parad

- 1 M s. Evasi v.
 2 J s. Cromazi vesc. di Aq.
 3 V s. Francesc Saveri c. ☽
 4 S s. Barbare v. m.
 ✠ 5 D II di Avent
 6 L s. Nicolò di Bari
 7 M s. Ambròs v. dot.
 ✠ 8 M L'Imacol. Conceziòn
 9 J s. Siro v.
 10 V La Madone di Lorèt ☽
 11 S s. Damàs p.
 ✠ 12 D III di Avent
 13 L s. Luzie v. m.
 14 M s. Spiridiòn v.
 15 M s. Massimìn

- 16 J s. Eusebi v. m.
 17 V s. Làzar v.
 18 S s. Desideri
 ✠ 19 D IV di Avent
 20 L s. Zuàn Marinon
 21 M s. Tomàs ap.
 22 M s. Franc. Cabrini
 23 J s. Vitorie reg.
 24 V s. Adele ab.
 ✠ 25 S Nadâl
 ✠ 26 D s. Stieffin prin mart.
 27 L s. Zuàn vanz.
 28 M ss. Nozénz mm.
 29 M s. Tomàs v.
 30 J s. Genio v.
 31 V s. Silvestri n

La surisuta a roba la galeta

In ta li Braidatis, doi vecjús, omp e femina, bandonâs dai sôs fantas che par ragagnasila mancûl-mal an cugnût zi a torseon pal mont, a vivulein cu la so vacja e doi tacons di cera ca si an rincurât incjamò da zovins. Dut il so vivi al resta cu la cjasuta e i sôs cjamps, e i sôs dis a si cunsumin a plampjanin cul zi a mont dal soreli e i cjans dai usiei, ca no ju bandonin mai. A si volin un ben chi mai e a si tegin avondi cont, in tal sidin di chei prâs. Lour a si contentin di puc: che il soreli a ghi scjaldi i sôs vués incrumbis e ca ghi buti ben la vacja. Doma che ogni un al à i sôs visiús, e ogni tant a si pierdin via a fa stupides e matieris, coma i fioi.

Chist an a sun di rus e di strus, an tignût i cavaleis, an basilât a orlevaiu ma an fat una vura di galeta, picjat che quant ca era madura una surisuta a ghi la robava. Par lour, ca vevin tanta passion di tignî cont la so roba, e un pi da l'altri a fevin iodi ca ghi planseva il cour, al era un displaseir grant.

Una sera la vecjuta a si à stufât e a dis: «Omp, jo sta sera i stai in vegla par iodi si pol cjapà la surisuta ca ni roba la galeta». Bepo, che da tancjûs ains a la conosceva, a ghi rispunt: «Miuta Miuta, no crôt ca sedi la suris ca fa chel lavoru», e la vecjuta: «Sì, sì, i mi necuars jo ca cala sempri pi». A la not a si met, cun una cjadrea tal mies dal solâr, a pola tal grin una bacheta e a si met a spetà. Di nascous di Bepo a veva platât, sot dal grisolon, la bossa da la sgnapa e la tabachera. Pepo al è un omp net e a nol vòl ca tabachi, ma ich a ghi la fa lostes di scundion. Par duta la not, la nonuta tra un pisul e l'altri, una presa e un glutâr, e speta chi ti speta ma suris non da iududis. La sera d'avour inciamò che fila. Dopo miesanot, una suris a capita ich, ma la vecjuta a ronseava. A zira di ca, a nasa di là, po si met a roseaighi il coran da li dâlminis. Miuta a sint a sbisià i pié, a si dismouf a colp e a vuarda fissa la surisuta ca para via a roseà. Divorman a alsa il pié e po: «Cfomo a dis, ades i no ti tocjarâs pi la galeta», e a la puarta in cjamara a Bepo, duta contenta. Il vecju, miés indurmidit, al cassa four i mostacions da li cuvertis e coma bruntulant al dis: «Che li a no mangiava galeta» e al si zira da l'altra banda, ma al veva nasât un udurin di sgnapa e di bagu e sot li cuiertis al pensava: «Dulà a vaia a cjatà i bês, che ostregada».

Il dì d'avour, Bepo al veva fat ducjûs i sôs mistierûs e prima dal tramont, la so vecja a vòl mandalu a passons cui iocâs.

Lui al nol vorés zi, ma par no faighi un dituart a lo so Miuta, al cjapa una sgiada e a ju para dilunsù la sgiavina, a faighi la gosa. La vecjuta svelta a tirà jù un pu di galeta e a va di corsa a baretala in botega, cul tabac e la sgnapa. Bepo ca ghi someava di capì alc, par via da la surisuta, parsé belzà lui al baretava la galeta par vin, al còr in tal solâr, al inglussa dos grampis di galeta ta la so giacheta strassa e al còr a baretala encja lui, ta 'na fameia li vissin, par un fiasch di vinassa. Ora di not al ti lu veva cjucjât dut. A ghi pareva di essi un siôr: li orelis inflamadis a ghi sbusinavin, dal nâs a pareva ca ghi scoppiâs una vena di vin, e intant al menava la polenta. Ogni tant al feva



una scjampadina li dal spieli dut cragnous, intacât sul mûr sfumantât, si dava una vuardadina, a si slissava un puc la musa cu la so man pensa e ruspida e al faseva: « I soi inciamò in gamba » e a ghi sbissava una cjantadina: « Jo i soi un alpin, mi plas il vin, Jo i soi un furlan, mi plas nostran... ». In chel, a si presenta su la puarta un soranel e a ghi dis: « Vuardait che Miuta a ghi à vignût fastidi, i l'ai cjatada pogneta là sul troi ». Il vecju tant c'al podeva sta in pié, a sgarlon a ghi va incuntri, a la jôt ca si rampinea pal rivâl. La cjapa par un bras e di traina a si menin a cjasa. Bepo, par la strada al parava via la

so cansion, Miuta a vòul daighi una man e a plamplanin encja ich a cjantussava: « Jo i soi un alpin... ». A cjasà Miuta a dis: « Sì savessis Bepo se ziramins di cjâf chi ai ». « Ben ben, al rispunt Bepo, i mangiân un bocon e po i zarin a durmì.

In tal jet, Bepo incjamò legri, al si sinteva un fantassin e al fa par daighi una bussadina, ma ich a lu poca in nà e ghi dis: « Se chi ti pussis di vin Bepo, dulà seisu zût a robalu, e parsé no mi veisu tignût una gotuta? » e Bepo: « E tu parsé i iatu bevût duta la sgnapa? No ioitu lì se cjoca chi ti âs intôr incjamò, iôt se nâs dut sporc di bagu ». A tâs un puc e po a ghi dis: « I eris vu la surisute, no omp? » e chel altri « E tu la pantianata ». « Ben ben, Bepo, i si vin sempri perdonât, perdonansi encja sta sera », e chel altri, ca ghi bolevin incjamò li orelis: « Sì sì, fin la pâs, azin ca chi ti bussi encja si ti âs la bocja sporeja di bagu » e a si an strenzût coma doi novissûs.

TONUTI SPAGNOL

Cjase nestre

*D'istât
'si scuînt tra 'l vert
la nestre cjase,
sui cops al vogle
il gran fiâr
e sot des viz
'si piart l'ombrene.
Di sere
un gri bessôl
al zirle sul balcon,
tal scûr
'si plêin i flôrs
scunis
sui vâs di tiare.
Lì dentri
ormai di bant
jò 'spieti un pas
e 'o scolti la to vôs
che mi clamave.*

CESARE BORTOTTO

El zoc di Nadâl

La famee jè li 'tôr dal fogolâr, là che un biel zoc di noglâr o di morâr, dut ros in t'une borone, al mande biel un cjaldût ta cusine e falis'cjs a svolin su pa nape, intant che di fûr a sbusine la buere e ti fâs inglazzâ tai fossai e ta fuessis la aghe. Jè la criure di fûr! A spietin di lâ a mandins; lis cjampanis a jan zâ sunât la seconde uade.

— Jè ore di lâ — a dis el paron di cjase — El bambin al sta par nassi! Al varâ frêd: duvin scjaldâlu — al tire fûr une biele taze di sgnape e al si plee sul zoc che l'art; duc' quanc' si metin in zenoglon; e fasint la crôs al dis lui, biel che 'l ti fâs colà la sgnape sul zoc: — Tal non dal Pari, dal Fi, dal Spirtu sant! Bambin benedet, ti din ze che pudin par che tu tu nassis tal cjalt! Tal cjalt!

— Cussî sêi! — a rispuindin chei altris; e po dopo duc' insieme a van a madins.

Sigûr, cussî ca' di nô la buine jnt a spiete che 'l nassi al Signôr a Nadâl.

A son anoruns che in t'une cjasute fûr di man da bandis di Betlêm al viveve un puer vicjût, tant puer che no us disi e 'l veve zâ plui di otante ains.

— Zimût fasêso a tirâ avant cussî plen di miserie — i disseve la jnt.

— El bon Diu al mi jude! — i rispuindeve lui. — Mió pari al mi à dit che jo no murarai prin che 'l vegni in chist mont il Redentôr; al mi à dit ancje di no doprâ par nissûn mût chist zoc a câ, nin di dâlu vie nin di butâlu sul fûc, parzê che propri chist zoc al mi fasarâ cognossi al Bambin Gesù, 'pene nassût; al è un zoc passât di pari in fi, cui sa mo quant!

E la jnt a tirave vie di lunc pensant che veve di fâ cun t'un puer vieli imbambinît ta miserie.

Ma une gnot, tal cûr dal unviâr, chist vicjût al si dismôf: davant da so cjasute al sint che qualchidun al dis: —

— Ze robis! robis di no crodi! Lajû insomp, s'un che stale la-vie al è come un sflandôr! No us pârîe di sintî come un cjantuzzâ?

— Mi pâr propri che cjantin sun chê stale!

— Anîn, anîn a viodi!

— A varâ cjapât fûc la stale — al pense 'l nestri vicjût — e al sta par voltâsi di chê altre bande e tornâ a indurmidisi.

In chel un altri trop di jnt al sint che passe pesseant davant da so cjasute e al sint a di:

— Curín, curín lajù! Al è un meracul!

— Jo j ài cun me chist biel agnilùt!

— E jo ai cjolt une bieles bozes di scuete!

— Al è nassùt! ma nùt e crùt!

— Anín, anín! Son robis di no crodi!

— Chis'c a son pastòrs! — al pense 'l nestri vicjùt; e intant al salte fûr dal stramáz di scussis di panolis e al si tire su la barconete da so cjaminute e 'l si met a cjalà. E al viôt lui che sun ché stale al è come un lusôr, che 'l è lì e lì par distudâsi e par sparl.

— Si po, vœi là ancje jo a viodi! Al è nassùt! Cui isel mo nassùt? Nassùt ta stale! Po capi, devi sei propri puere jnt! cun chist frêt! in t'une stale! Al vegnarà a pirculà dal sigûr, chel fantulin! Ma jo, ze puedio puartâi? — in che che 'l fas par viarzi la puarte e là fûr, al s'inzopede ta chel zoc.

— Oh! si, propri chist zoc, al podará sarvî benón! Jo i lu puarti, sigûr, sigûr! Ta ché stale cjatarai, jo sperî, une manarie par tajâlu a sclesòns e là podarai fâ un biel fugarût: al è len di noglâr e al ten el fûc.

Chel puer vicjùt senze pensâ nancje che so pari i veve dît di no da vie chel zoc par nissùn cont, a lu tire su la spale e no us disì che i pareve di puartâ un sac di plume invezi di un zoc grant e grués, plen di grops!

E vie lui, chel vicjùt, vie pa gnot. Al ti rive ancje ta ché stale (el splendôr al jere zà lât vie) e lì al ti viôt sant Juséf e po la Madone cul Bambín, 'pene nassùt, sul grin; lí intôr al ti viôt ancje une vore di jnt: feminis e pastòrs. Ma ze frêt lì dreñti ta stale; par furtune un bo e un mussùt cul fiât a scjaldin el puer Bambín: ma al vajuze lo stes pal frêt, ze tant frêt che 'l jà lui, puer Bambinùt!

— Jao dît jo - al pense el nestri vicjùt - che jai fat ben a puartâ a cà chist zoc! Cjale mo, a jè propri là la manarie e ti prepari un biel fugarôn che 'l scjaldi la stale e là che podarán meti a sujâ lis fassis e i panzîz.

Senze di nuje al cjape sù la manarie e jù un biel colp! Ma biel che 'l scjampe vie un biel sclesón, a salte vie ancje une faliscje.

— Ma 'lore - al dis chel vicjùt - 'lore chist frutín a cà al è 'l Bambín Gesù! Dal sigûr! fûr dal zoc a vegnin fûr lusignis e faliscjs! Propit cussì al mi diseve miò pari: «Quant che fûr di chist zoc a saltarân vie faliscjs di fûc davant a di un bambín 'pene nassùt, a vorà dí che chel bambín al è 'l Redentôr. Viôt di bagnâ indalore el zoc cu la sgnape par che 'l cjalt al si fasi sintí di plu!» A jé propri cussì.



— E al si bute ancje lui in zenoglón e pò al dís a di un pastôr: — Veso cun vo un pôcje di sgnape che jo buti sul zoc par fa un biel fûc e scjaldâ ca' drenti?

— Sì po, cjoit! - e i dà une fiascjute plene di sgnape.

'Lore il nestri vicjût al torne là dal zoc, i bute parsore la sgnape, zimût che i veve dît so pari, po cu la manârie al si met a sclapâ el zoc e biel che i sclesóns a ti saltin di cà e di là, lis faliscjs a s'intopin ta sgnape e 'tant che no lu disi, a s'impie un biel fûc lì ta chel cjantón da stale e cumó el Bambín pal cjaldût a no 'l vai plui, ma al riduze in t'un mût di paradís e par che 'l binidissi el puer vicjût che par vie di chel zoc al ja vût la biele prove che 'l è vignût el Signôr in chist mont par salvâ lis animis.

E cussí dopo d'in che volte ancemó a di di vué, par racuardâ el bon cûr di chel vicjût e el meracul dal zoc, la vilie di Nadâl prin di là a madins cu la femine e i fruz, el parón di cjase al binidís cu la sgnape 'l zoc che 'l art sul fogolâr mandánt su pa nape lis lusignis di fûc e pa cusine un biel cjaldût che 'l ti racree 'l cûr.

Il mulin di Fare

*Su la roe che, turchine,
scôr par Fare a planc planchin,
a l'antighe cu la ruede
l'è c'al zire un gran mulin.*

*No motôrs e no turbinis
a dissipin chel incjant
dome l'aghe tra la ruede
tàs i zûgs e il so biel cjant.*

*Cjante l'aghe. I sacs si svuedin,
tra lis muelis passe il gran,
al si fruzze, al passe al cole
in farine ju al prin plan.*

*Svelt di gjambe e plui di voi
simpri in zir di ca e di là,
l'è siôr Agnul che 'l sgambete
dut il di t'un gran zefâ.*

*E al va a dajgi l'ocjadine
tra lis voris ogni tant
a la femine e a lis frutis
che ancje lôr no stan di bant.*

*Su la puarte da cusine
dome il giat si giolt la pâs,
tant passût che la surle
e gi scjampe sot il nâs.*

*Da un barcon a pic su l'aghe
ven un cjant, un scûr si viarz
e une vôs alegre e frescje
gi rispuint ju dal bearz.*

*Chel bearzut e ze poesie!
Quatri rosis e un figâr
e parmis gi scôr la roe
murmuiant instât e unviâr.*

*Zire zire la gran ruede...
Ze tanc' zirs ae za mai fat?
Ze tant gran l'è fat farine
dopo in ca che l'aghe a sbat?*

— « L'è za un secul - dis slôr Agnul -
che il mulin a l'è in funzion
e jo voi pa cjarezade
che mi à fate pûr miò von ».

Pâssin ains e passe l'aghe...
Ze murmuje tant zidin?
— « Dentri in cjase a son dôs frutis:
l'ornament di chist mulin.

E 'o scometi, a sclari il voli,
par cjalâlis un moment,
a mulin ze tanc' larèssin
senze blave nè forment? ».

Passe l'aghe... Co la lune
ven a ridi su tal zîl,
su la rce indarindade
van lontan i siums a mil.

Cjante l'aghe..., e lis dôs frutis
a san za ze ch'el gi ûl di
co' ogni gnot il cjant da roe
a lis fâs indurmidî...

MARIA GIOITTI DEL MONACO

Lis maraveis dal 2000

Ce che còrin i àins, cjârs letôrs! E ce segnos che lassin!
Grispis su la muse, tarlûpulis tai voi, dolôrs par dute la gner-
vedure che cressin a ogni cambiament di stagjon; i vues e clôpin
e lis giambis e àn il lôr ce fa a tignius in pîs e al prin clapût,
s'inzopedâis e j vois a sbati il nominepatris su la mari tiere.

I zovins, si sa, e disin ch'al devente vecjo nome cui ch'a
l'ûl, e che 'si po' jessi zovins ancje a novant'àins, e altris mo-
nadîs de stesse qualitât che àn let su qualchi riviste di ideis
progressistis.

Ancje jò no vorès, anzi no vuest deventà vecjo, us al pués
zurà sun ce ch'j volês; ma, cun dut a chest, j viôt che i àins
si ingrumin simpri plui su pe gobe, la muse s'ingrispe come un
lemon vidriz, i voi si strènzin come grans di uve passe e chei
quatri dinc' che mi restin e clopin come i banducèi des cjampanis.

E finore no ài cjatât barbe di miedi ch'al seti stât bon, cun dute la so scienze e lis sôs midisînis, di sliserimi la gobe di une dozene di carnevaj. Del rest nancje Stalin ch'al veve a puartade di man la famose rezipte di Woronoff par tornâ zovin, a l'â scugnût parti ancje lui e cumò a l'è za muart, soterât e dismenteât.

Insome, o capis che bisugne preparâsi a fa fagot plui adore di ce che si splete.

Di une bande, no mi displâs afat, parcè che in' d'ai passadis za tantis in chest mont, plui di brutis che di bielis; e cul diventâ vecjo la situazion no va miorant di sigûr, senze contâ lis previsions pôc legrîs di chest brut mondat che se no 'l fas judîzi, al riscje di là a finîle in fruzons a fuarce di bombis atomichis.

Però, sot un altri asplet, mi displasarès di dovè parti propri cumò che la vite e devente simpri plui comude e plui bieles e i gjornal e contin robonis des invenziions e des maraveis che podaran viodi chei che saran vîs fra qualchi an o qualchi dozene di âns, ch'al vignarès a staj intôr dal doimil. Lôr nus sigurin che la television e rivarà ancje ca in Frjûl, che dutis lis fameis e podaran cuistâ un stras di automobil, che si viazarà plui in areoplano che no in treno, e che, par viodi il mont come che si devl, si podarà fa qualchi viazût in te lune e forsi ancje tal planet di Marte a viodi ce raze di int che vîf in chês localitâts fûr di man (o pitost te fantasie di cerz scienzîas di tre bras un franc').

E cussì j voi pensant che forsi j soi nassût un pôc masse adore.

— Maladete la premure - disal il cai.

S'j ves spietât di nasci ancjò qualchi an, cuissà ce tantis bielîs robis ch'j varès podût viodi par merit dal progres!

* * *

Ma, e se lis robis e vessin di là malamentri? Se intant e ves di capitâ, che Dio nus vuardi, un'altre vuere a son di atomichis?

Veso sintude che barzelete che contavin i gjornaj za qualchi mê? Si trate di un gjornalist ch'al discôr cun t'un scienzîat. A un cert pont de interviste, il gjornalist al domande:

— Cun ce armis batarano i soldâs te prime vuere che vignarà?

— In te prime vuere, no pués savè, parcè che dopo la bombe atomiche e àn inventât la bombe a idrogeno e chê a base di microbos e forsi ancje altris argâins ancjò plui disastrôs

che nancje nò scienzias no cognossin. J pués di però cun qualis armis che si bataran in te seconde vuere che vignarà dopo la prossime.

— Cun qualis armis?

— Cui clas e cui bastons come ai timps di Cain e Abèl.

* * *

Se jè cussì, ce àò di di? Che forsi j soi nassût ancie masse in ritart, parcè che al sarès miôr jessi za qualchi metro sot tiere se il mont al ves propri di là cui pìs par ajar.

E alore, lassin pûr che i àïns e còrin, che vadin su i carnovaj e che vegni indevant che vecje dal falcèt. Cumò par me, e doman par chei che son nassûs dopo di me, che viazaràn in machine, si gjoldaràn la television, e laràn magari a curiosà in te lune o tai planez, ma e riscjaràn di fâsi brusà da l'atomiche e di viodi il montafin.

Jò, però, j ài dute sperance che i nestris discendens, prin di parà in fruzons il mapamondo, e pensaran parsore dos voltis. E magari ancje tre.

E senò, tant piès par lôr!

TONI BIDEL

Migrà

*Al còr fumant il treno
sui binaris
tal vert ualif
da la planure.
Nissun
pojât a un arbul
'ti salude
e tu bessôl tu vâs
fra jnt foreste
cjalant la tiare
ca scuris
e qualchi lûs
ch'a vogle di lontan.
E chel tran tran
'ti siare dentri il cûr,
i voi 'si fòschin
tal cîl dal to pais
ch'al si slontane.*

CESARE BORTOTTO

I scioperos dai muini...

Siore Camile, fin de prime sagre dal pais, du là che ere vignude a stà dopo di vè comprât cjase gnove, e veve vidût di mal voli che tovae su le balaustre pe' comunion generâl mâl sopressade, contose, sbregotade di cere, maglade di rusin, cul merlo a sbrendul.

No veve ricevût vultintir il Signôr su che canavaze; miôr sul marmul crût e frêt!...

— An farai une gnove... e biele, dute di lîn... no i pàrie une vergogne siôr vicjari une tovae di che fate?...

Il vicjari che al cjoleve il caffè sot de vit tal curtîl nol si sbandà:

— Ce uelle mai fà siore Camile... o sin in t'un pais di campagne...

In chel stes invier le gnove parone de «fatorie», dopo cene, opûr di fieste dopo misdi, quant che du'c e levin al cine o a spàs, si met a ricamà une tovae pe balaustre de glesie; le varessin screade il di de prime comunion de so frute, il mès di mai!

Ce fiestone! Dopo de funzions lis feminis dal pais si erin fermadis in glesie par viodi le tovae ricamade di siore Camile, ben distirade su le balaustre.

— Un splendôr...

— Ce paziensie che siôre...

— Cjalait ce fineze...

— Nancje lis muiniis no fasin di ches'c lavôrs...

— Viodeit par gust, ce disen...

A l'ere stât propit chel, el disen, che a l'à puartade le scalogne a siore Camile!

Tal doman de sagre, il muini, tornant indaûr a 'e parochiâl il «piano», i cjandelîrs, il tapêt da l'altâr, e dut ce che al veve cirût par furni le glesie, al mandà ancje le tovae gnove de balaustre.

— Parcé le veso puartade culf? — al domande el vicjari.

— Soio jò el muini o siore Camile?... Iè che pensi a 'e sò cjase che pe glesie a l'è qualchidun altri a pensà...

— Ma... — il vicjari che a l'ere di pôc timp in pais e al veve pore un poc di dut, al si incjantà.

— ...al cjalât lui el disen?... Nancje une crôs e jè sù; rosis, ghirigoros, stemis,... stupidaginis... grandecis... cui sà cun cui che crodeva di vè da fà...

Il vicjari al saveve che a l'ere pôc ce resonà cun chel «tomo»: al veve lis ideis, e strambèries, cussì ben inclaudadis

tal zurviel che no varessin stât di miôr su di un toc di len;
a l'ere dibant fai cognossi un tuart, come pestà aghe tal mor-
târ!...

A fâ chel servizi, nol ere facil di cjatant un altri e par
chest predis, e popolazion e lassavin cori...

A l'ere stramp. ma dopo dut, al serve ben. Saveo cè?...
No vevin di dii vedran!...



In glesie al doveve passà dut pes sos mans: al podeve ben
di il predi che la messe e veve di là fûr un quart d'ore prin
o un quart d'ore dopo; a l'ore che al veve «tirât dentri» so
pari e so nono, al tirave el campanel ancje lui.

Une cjandele a S. Florian se ere malade une vacje, fâ di
une messe par un defont, publicà ce che a l'ere stât pierdût,
cirî bês pal mâl di S. Valantin, puartà rosis a' e Madone, dut
al doveve passà par lis mans dal muini.

Un monsignôr vignût cul vescul pe visite pastorâl al veve
dite al vicjari di butà fûr chel altarut di lèn carulât, plen di
polvar, imberlât, che al stave dapit de glesie.

Al à scugnû, biât predi, tirasal fûr besôl, cui frus de du-trine, fasint scjampà lis pantianis che vevin niât par dentri vie fin su pe statue di S. Roc.

Ogni an, ai prins di zenâr — mi pâr ai tre — fôssial di fieste o disdivore, apene dentri de puarte grande si viodeve une cjandele impiade: parsore de puarte in t'une lunete uarbe al ere piturât un San Zuan vistit di piels, tal desert pal muini che piture e rafigurave sante Genoefe, e ancje jê, e veve dirit a une cjandele impiade, almancul une volte a d'an...

Che si vessin provâs chei frus a distudale!

Vês bielzà capit parcé che le tovae di sioire Camile e vigni butade fûr de glesie...

No saveve jê, biade sioire, dut chest, che il « paron » in glesie a l'ere il muini.

Jó no sai se la «fatoesse» jê stade cussí inteligente di capî e tasé, o se i vês dit alc in segret el vicjari; fat a l'è che nissun par tant timp al à fevelât, de tovae de balaustre.

Ma la sere dal prin da l'an, jentrant in glesie par sierà, il muini si fermà di colp tal miez come se i stes par vigni mâl; su le balaustre la tovae contose, mal stirade, sbregotade di cere, maglade di rusin, cul pizzo a sbrendul, no ere pui...

Une robarie in glesie di almancul cent aîns no sucèdeve.

Cui podeval vele puartade vie?... Nome le «fatoesse», par podè meti lì la so, cun chei ricams, senze nancje une crôs!...

Al dà di clostri a lis puartis, e vie dret in canoniche, dal vicjari:

— Cà e son lis clâs de glesie... e si ricuardi che il «sot-toscritto» nol farà pui servizi fin che no torne dongje le tovae...

— Cemût?... al domande il vicjari.

— Cussí... le tovae e è sparide... che al vadi lui de «fatoesse» e al vedarà che le cjate.

E fur lui di canoniche bruntulant come un temporâl.

Tal doman nissun sune, ne tal passadoman, e cussí fin a Pifanie; nancje sante Genoefe in chei an e à vût la so cjandele impiade su la puarte!...

Il vicjari al repezave cui frus ma senze muini a l'ere un cjastic.

No podeve durâ cussí! E difati il dì de Pifanie al sucède el miracul tant che dut el pais a l'è stat sot sore come pocjs voltis in te so storie.

Dopo messe grande il vicjari al veve batiât un frutin nasût in t'un carosson di singars fêr in te taviele, e chei che vevin vedude le cerimonie e vevin viodût che il singarut a l'ere

vuluzât, come un principin, in t'une tele di lin, ricamade e blancje come le nêf; le tovae di siore Camile fate pe balaustre de glesie e veve servit a visti un gnûf cristian...

Ce cjacaronâ in dute le vile! Ancje il vicjari, al cjalave, sot dai ocjai, chel splendôr di ricams e di pizos.

Le sùr dal muini che veve viodût dut e côr a contà a so fradi:

— Stúpide... tu sês stúpide... nol è pussibil... un lavôr di che sorte dalu vie ai singars?!... Vâ vie... vâ vie, mate... no ti crôt...

Ma no ere finide cussî pal borg in che di.

I frus lâs a cjoli soreâl par fâ il burielon da l'Avent sul cuel, strucjant une cjape, ti cjatin sot un vuluz di robe blancje, sporcje e sanganade; la vecje tovae de glesie, parade a tocs...

E ce ti fasial chel bifolc dal Ros di Jácume dal Cjasâl?...

Impirât un sbrendul di tovae su di un baston, in pins sul cjâr parsore dal soreâl, lu sventolave, fûr pal pais, come une bandiere!...

PIERI MENIS

La sagre di Paulêt

La pipine dai vôi di Bernart si slargjà, il lavri sot al pendolâ-jû instupidit: dal treno al dismantave un omenut pitinin-pitinin cu lis braghessis turchinis, une ombrenone rosse e, su la panzute, une cjadenone di orloi cun tantis robutis picjadis: un cjâf di bò cui cuârs ch'a si tocjavin parsorevie, un gjal cun tune creste grandone e su ogni ponte de creste un pizzul diamant; e po, une trombetute, une scjale, une cjadrèe cun tre pis, un incuin cun tun arc di faliscjutis rossis, une ruede, une sesule...

Bernart lu cjalave, e ancje cnealtris tre-quatri ch'a jerin lì lu cjalavin. Ma chel omenut al si fermà propi denant di lui e cun tune vôs sgnaulote j disè: — Bondi!

Al veve une muse di vielute, chel vielut, e i vôi furbos jenfri di tanti grispis su la piel scure. Bernart al rispuindè al salût dome cul zuf di cjavei colôr panôle ch'a si movevin par vie di une bugadute di ajar ch'al soflà in chel: il so lavri sot nol si jere mot, al restave-jû a pendolon, simpri plui instupidit.

— Tù tu sês Bernart Codut, nomo? — dissal chel.

Il lavri di Bernart plui in jû di cussî non podeve lâ e alore al fo come se une suste dentri dal so cjâf 'e scatâs fasint sunâ

un campanel di svèe. Cemût podevial cognossi Bernart, chel omenut stramp?

— Tu sês cussì grandon e ben tressât che nancje no tu lu sintarâs il pês de mê valis.

E l'omenut j'e dave di puartâ. Bernart al slungjâ un braz indenant e chel, jevât-su in ponte di pis, al rivà a fá passâ la mantie tor di un dêt di Bernart.

— Anin! — dissal il vielut.

E si inviârin: il vielut, al sivilave musicutis legrîs e bielîs cussì ben e cussì fuart che la jnt a' jessivin-fûr des cjasis a sintî. Bernart al cjaminave cul lavri sot mancûl in jù cumò, ma senze nancje savê ce strade ch'al faseve.

E cussì a' rivarin a Paulêt, e Bernart al si inacuarzè di jessi rivât tal so pais. Ma al si inacuarzè ancje di alcaltri: al veve fat cinc chilometri cun chê di là a cjapà il treno par Tumiez e cumò al jere un'altre volte a cjase cun tune valisute ridicule sun tun dêt. E al veve fat, tra là e tornâ, dis chilometri a pît!

— Cumò a cjase mi disaran ch'o soi un bocon di basoâl — al pensà.

Quant che lui a cjase al contà la storie dal omenut pitinî cu la ombrene rosse, a' scrupularin ch'al fos diventât ancjmomò plui basoâl di ce che lui al pensave di sei e, jessint ch'al insisteva cu la so storie, so mari j disè che in dut il pais dome a lui a podevin tocjâi robis cussì.

— A nûf al vignarà culi, 'o viodarês mò! — dissal lui.

— E nô lu pararin-fûr. No uei cjocs in cjase mê — al disè so parì.

Nancje so nevôt Jacumin, ch'al veve siet agn, nol crodeva a chê dal omenut, e la famèe interie no finive mai di dij ch'al jere un basoâl, un gnogno, un purcinel, un cjavon, un ôc, un pavêr, un batali, un pipinot.

Ma l'omenut ch'a si jerin lassâz su la puarte dal pais — al vignì a salvâlu. A nûf in pont qualchidun al viarzè il puartel dal curtil, si sintì un corsute di passuz pitinîs e al fo batût su la puarte di cjase Codute:

— Al à ancjmomò sêt! — al brutulâ Michêl, parì di Bernart, e al si inviâ su la puarte.

— Cui esal? — al domandà cun tune vòs di fá pore, intant che il lavri di Bernart al scomenzave a pendolâ in jù.

Si sintì une vòs sgnaulote a cjantuzzà:

'O ven da l'Irlande,
mi cjalin di ogni bande,
ce biele companie
ch'o cjati in Furlanie,
oh jeh, oh jeh.

— cheste no je cjase par cjocs! — al disè Michêl cun solenitât e cun fote, tornant indaûr a sintâsi.

— Benon! — 'e fasè la vôs sgnaulote — alore 'o pues jentrâ.

Dutis lis pipinis di duc' i vôi dai Coduz si slargjârin: il clostri de puarte ch'al jere lì, ben parât in sot e grues e pesant, al si movè di bessôl e la puarte si spalancà, e l'omenut in braghessis turchinis al jentrâ fasint cinglinâ e slusî i strafaniz picjâz sul gilê.

Il lavri a pendolon di Bernart, i cjavei a la umberte di Michêl drez come gusielis, lis orelis a svintulin di Jacumin, la bocje viarte di Angjeliche, la muse taronde-taronde di Catine, la code gruesse dal gjat, a' jerin un spettacul; ma al omenut no j plaseve. Par discjoli chê jnt incantesemade al gjavà-fûr une sunete e al si metè a sunâ « tin-tine, tin-tone ».

Tintine tintone, Michêl domandà ce ch'al oleve e l'omenut al rispundè ch'al oleve cenâ.

Tintine tintone, Catine 'e disè ch'al jere dome polente e lat e un got di vin.

Tintine tintone, l'omenut al disè che il vin al lave ben ma che al puest de polente e lat al oleve un polez rost.

Inrabiât, tintine tintone, Michêl al disè che lôr no jerin siôrs e che l'omenut al podeve comodâsi in tun restaurant.

L'omenut al disè che nol coventave, tintine tintone, che siôr Michêl al fôs un sior parcè che lui al podès mangjâ un di chei polez ch'a durmivin dibant tal curtil.

Par no muri di masse tabajâ, un biel polez al fo preparât ch'al mandave un odôr maraveôs. E l'omenut lu mangjâ dut, e chealtris che lu cjalavin e no capivin cemût che un polez cussî grant al podeve stâ dentri di un cuarp cussî pizzul.

— 'O sai ch'o vevis gole — al disè l'omenut dopo finît — ma parcè no vèso copâz ancje chealtris polez? Mi varès plasût di cenâ in companie e no bessôl come un cjan.

Michêl al si inrabiave simpri di plui, ma al si stratignive simpri di di alc par no riscjâ di muri in tun mâr di cjacaris e di resonamenz. Cussî i Coduz a' lassavin che l'omenut al tabajâs di bessôl, e chel al jere simpri-ch'al si maraveave par vie che i Coduz no vevin copâz ancje chealtris polez.

— Ma no no sin siôrs — 'e disè Catine cu la so muse toronde.

— E i bêt — al fasè Bernart.

L'omenut al tasè e ju cjalà:

— Bêt? — dissal.

Al gjavà-fûr dal sachetin une grande monede d'aur, la fasè zirà tra i dêz:

— Ch'e vegni ca un moment, siore Catine! — al disè.

Catine e lè dongje.

— Ch'e provi a nasà cheste monede. Ce odôr aje?

Catine, dopo di vêle nasade ben, si drezzà disint:

— Mah... jo no sint nissun odôr...

L'omenut al siarà il discòrs disint che se invezi di une monede si ves sot dal nâs une bieles cuesse di polez si sintarès un bon odôr. E chest, al spiegà, al ûl di che nol conven a basilà daûr dai bêt, ma dome daûr di une buine alimentazion parcè che cui ch'al è ben nudrit al à plui fuarze par lavorà, ideis plui buinis ancje tal cuminà afârs, e al riscje parfin di diventà siôr.

— Viodêso mò vualtris — dissal — 'o disès simpri che plui 'o ciris di sparagnà e plui bêt us coventin. Jo, invezi, i bêt ju buti-vie parcè che se ju dopri nol covente ch'o lavori par mangjà, e no lavorant, no ài fan e 'o mangj pòc e malvulintir, e mangjant pòc e malvulintir, mi mancje la ligrie, la fuarze di lavorà e la gjenialitât tai afârs e cussì 'o riscj di cognossi la miserie plui nere come vualtris.

Faseit ancje vualtris come me e doman a buinore butait vie chel centenâr di monedis d'aur ch'o vês disore».

A Michêl no j ientrave chel discòrs e nancje a chealtris. L'omenut al faseve sunà i stocuz picjâz su la cjadene dal orloi, compagnant lis sôs peraulis. Al bateve miezegnot. Finalmentri al fasè savè par ce cont ch'al jere là: al jere capitât par lavorà, e ancjmò j coventave, pal so lavôr, di jessi judât di Bernart. Il lavôr al varès scomenzât tal indoman a buinore.

A cinc di buinore il soreli nol jere ancimò jevât e l'omenut al veve za sveât Bernart. Bernart plen di sium al veve voe di bruntulà, ma, tornant a viodi pardabon l'omenut, al tasè.

Cidin-cidin, l'omenut lu menà tal ort, dongje dal miluzâr.

— Fas une buse culi! — dissal.

A' tiràrin fûr un vâs ch'al pesave une vore.

— Za mil agn, lu metei jo culi — dissal l'omenut.

Al olè che Bernart al tiras-fûr la moto, e cun ché dopo

pôc a' forin sui cjamps dal Friûl: il soreli al jessive-fûr di chês bandis di Cividât e un biel colôr di rose al formave zûis di ombrenis e di lusôrs sui agârs e su lis cumieris scuris. I morârs a' sverdeavin come fruz, e i poi lontans a' disevin ai ucel:

— Vignît, vignît!

E i ucel no olevin: a' olevin dome svolâ, lôr, e a' svolavin. La urlade di qualchi gjal, il bati di pocjs oris di cjampane, e l'omenut ch'al faseve fermâ la moto, gjavât alc di lusint dal vâs, lu butave lontan, cun dute la so fuarze, sui cjamps.

— Ce fasial? — al veve domandât Bernart.

— O lavori.

E lavorant al jere diventât cidin. Dome une volte al veve dit:

— A' son i plui bieî cjamps dal mont! E jo ju fâs diventâ ancjmò plui bieî, che ur restin i lusôrs dal prin soreli fintremai sere, e di gnot cu la lune, a' slusarân di arint.

— Ma ce butial? — al veve fat Bernart maraveât.

Al butave monedis d'aur e d'arint.

— Bute ancje tu lis tôs! — i veve dit a Bernart.

A Bernart j jerin vignûz i sgrisui, ma par no sta a fa discôrs al veve tirât-fûr un carantan e lu veve butât. Il vielut lu veve cjalât cun compassion:

— Ma a ti no ti interesse nuie che i cjamps a' slusin! — j veve dit — Vîsiti ben che fin che no tu butarâs-vie bêz, no tu sarâs un siôr.

Il lavri di Bernart al pendolâ-jû. Al jere just ce ch'al diseve il vielut!

Lui al butave-vie monedonis d'aur: lis butave di ca e di là, cun ligrie, cun fuarze, sui cjamps. E i cjamps a' cjantavin, a' trimavin di lusôrs. Bernart al zigà:

— Ancje jo!

E ducidoi a' cjaminavin svelz e legris tra lis cumieris disvuedant il vâs, butant monedis ch'a plovevin sui cjamps, e il cil al rideve, l'ajar al svolave e i rais dal soreli jessût des monz a' jerin di glorie.

Cheste storie 'e à fat nassi la sagre dai lusôrs e dai polez ch'é ven celebrade ogni an a Paulêt. E' je une storie dute vere! Al é vêr parfin il fat che di buinore il soreli al ven-fûr des monz e al fâs lusôr come ch'al é dit tal finâl. E se qualchidun nol crôt al pò là a Paulêt a fevelâ cun Bernart Codut.

LELO CJANTON

Marciâz gran'c e pìzzui di dut il Friûl pa' l'an 1954

- Ajël* - 11 novembar (S. Martin): impres'c di contadins, tele, scu-diellis, ec.
- Amâr* - 14 fevrâr (S. Valentin): nemai, besteâm.
— Prime domenie di otubar (Madone dal Rosari): nemai.
- Ampéz* - Secont lunis di mai: nemai, besteâm.
— 9 setembar: nemai.
— 29 juin (SS. Pieri e Pauli): un pôc di dut.
- Aquilêe* - Il lunis prin di Pasche: pomis, verduris, marcanziis ec.
— 12 lui (S. Ermacore): pomis, verduris, marcanziis ec.
— Il lunis prin di Nadâl: pomis, verduris, marcanziis ec.
- Arte* - 13 dicembar (Sante Lussie): besteâm, marcanziis.
- Artigne* - Secont lunis di ogni mê: nemai, besteâm, ec.
— 14 fevrâr (S. Valentin): marcanziis di ogni sorte.
— 16 avost (S. Roc): marcanziis di ogni sorte.
- Arzin* - 29 setembar (S. Michêl): tele e marcanziis di ogni sorte.
- Atimis* - 30 novembar (S. Andree): marcanziis.
- Aviàn* - Secont e quart martars di ogni mê: nemai e un pôc di dut.
- Azzàn di Pordenòn* - Il lunis di ogni setemane: nemai e be-steam, tele, feramente, genars colonial ec.
- Brugnère - A Maròn* - Il lunis dopo la prime domenie di lui: nemai, ciavai, purcis.
- Buje* - Il secont vinars e il quart lunis di ogni mê - a S. Stie-fin - nemai, purcis, pomis, tele, colonial ec.
— 12 e 13 di lui (S. Ermacore): nemai, purcis, pomis, colonial ec.
- Buri* - 6-7 di mai: mostre dal vin.
— Prin vinars di ogni mê: gran marciât di nemai.
— Prin vinars di setembar: marciât-concors di nemai.
- Ciasarse* - 22 avril: la mostre dal vin.
- Ciamin di Codroip* - 29 avril: mostre dal vin.

Ciavàz di Ciargne - 16 avost (S. Roc): purcis, pomis, ec.

Cervignàn - ogni joibe de setemane; nemai, polam, purcis ec.

— Il prin lunis dopo l'11 novembar: nemai, polam, purcis ec.

Chions - a Vilote, il prin lunis dopo la seconde domenie di otubar: nemai, pioris, pomis, tele ec.

Cividât - il martars, joibe e sabide di ogni setemane: nemai, purcis, pioris, formadi, pomis, tele ec.

— 11 novembar (S. Martin): nemai, purcis, pioris, formadi, pomis, tele ec.

— 26-27-28 di mai: mostre di vins furlans.

Clausêt - ogni domenie: tele, feramente, impres'c di cusine ec.

Codroip - il prin e il tierz martars di ogni mès: besteàm di ogni sorte.

— Du'c i martars: polàm, colomps, cunins, pomis, telis, scarpis ec.

— 1-2-3 setembar: mostre dal vin.

— 4 setembar: mostre di nemai.

— 27-28 otubar: grant marciât di S. Simon.

Comeglians - 1 zenâr: nemai, ciavris, purcis, marcanziis di ogni sorte.

— Il lunis dopo Pasche: nemai, ciavris, purcis, marcanziis di ogni sorte.

— 31 otubar: nemai, ciavris, purcis, marcanziis di ogni sorte.

— 31 dicembar: nemai, ciavris, purcis, marcanziis di ogni sorte.

Cordovât - 20 marz: besteàm, semencis, plantis.

— 9 setembar: besteàm, semencis, plantis.

— 29 setembar: besteàm, semencis, plantis.

Enemonz - il prin lunis dopo la prime domenie di otubar: nemai e marcanziis.

Faedis - 13-14 di mai: mostre dal vin.

Feagne - il prin matars e il quart joibe di ogni mès: nemai e besteàm di ogni sorte, marcanziis ec.

— 22 novembar: mostre dai nemai.

Fòrs di Vòltri - 27 otubar: nemai, purcis, scarpis, tele, feramente ec.

Fòrs di Sore - 21 novembar a Vic: marcanziis di ogni sorte.

Fòrs di Sot - il tierz joibe di otubar: tele, ombrenis, scarpis, verduris, pomis ec.

- Glemone* - il prin e il tierz vinars di ogni mès: nemai, ciavris, pioris ec.
- Ogni vinars: marcanziis di ogni sorte.
 - 3 fevrâr (S. Blàs): besteàm di ogni genar.
 - 13 jugn (S. Antoni): ogni sorte di marcanziis.
 - 2 novembar: besteàm di ogni genar.
- Latisane* - ogni miercui: nemai, ciavris, pioris, purcis, marcanziis, ec.
- 11 novembar (S. Martin): nemai, ciavris, pioris, purcis, marcanziis, ec.
- Malburghet* - a Ugovizze: besteàm.
- Manià* - ogni lunis: marcanziis.
- Tiers lunis di ogni mès: nemai.
 - Lunis di ulif: besteàm e marcanziis.
 - 25 lui (S. Jacum): besteàm e marcanziis.
 - 21 novembar (S. Mauri): besteàm e marcanziis.
- Maràn* - ogni di marciât dal pés.
- Ogni martars: tele di ogni sorte, pomis, verduris, ec.
- Muêz* - 19 marz (S. Josèf): besteàm, marcanziis.
- 21 novembar: besteàm e marcanziis.
- Morteàn* - secont e ultin miercui di ogni mès: ogni sorte di besteàm e marcanziis.
- Ogni miercui: polam e marcanziis.
 - 25 zenâr (S. Pauli): grant marciât di dut.
- Nimis* - il secont lunis di ogni mès: purcis, zuiatui, impres'c di cusine, semencis ec.
- Osôf* - il prin lunis di lui (S. Colombe): marcanziis di ogni sorte.
- Il quart lunis di otubar (S. Justiné): marcanziis di ogni sorte.
- Ovâr* - 11-12 novembar (S. Martin): besteàm e marcanziis.
- Il lunis dopo la seconde domenîe di otubar: besteàm e marcanziis.
- Palazzûl* - il secont e il quart vinars di ogni mès: nemai, polam.
- Ogni vinars: marcanziis di ogni genar.
 - 10 avôst (S. Laurinz): besteàm, marcanziis.
- Palmegnove* - ogni lunis: besteàm e marcanziis.
- Paluze* - il quart lunis di marz: nemai e marcanziis.
- Il quart martars di mai: nemai e marcanziis.
 - 25-26 lui (S. Jacun e S. Ane): nemai e marcanziis.

Pasian di Pordenon - ogni vinars: polam e marcanziis.

- Il quart lunis di setembar a Riverote: nemai, ciavai, marcanziis.

Pontebe - ogni sabide: marcanziis di ogni sorte.

Pordenon - ogni miercui e ogni sabide: besteàm e marcanziis.

- Il prin sabide di mai (S. Gotart): besteàm e marcanziis.
- dal 25 al 9 setembar: mostre de industrie, agriculture, comercio.

Paulêt - il secont sabide di novembar (S. Martin): besteàm e marcanziis.

- A Savorgnan de Tôr: 8-9 avrîl: mostre dal vin.
- Quarte di avôst: ogni mercanzie.

Prate di Pordenon - il prin martars di ogni mës: marcanziis di ogni genar.

Pravisdomini - il quart lunis di fevrâr: besteàm e marcanziis.

- Il quart vinars di setembar: besteàm e marcanziis.

Premariâs - 22-23 avrîl a Iplis: mostre dal vin.

Raviéi - ultin lunis di setembar: besteàm e marcanziis.

Resie - a Prât il 1 di mai: marcanziis, tele, besteàm ec.

- A Prât ultime domenie di otubar: marcanziis, ec.

Resiute - 2 avôst (Perdon di Assisi): marcanziis.

- 12 novembar (S. Martin): marcanziis.

Riulât - tierze domenie di zenar (Marciât dal Bambin): marcanziis.

- Prime domenie di otubar: besteàm e marcanziis.

Rivignàn - ogni lunis: blave, forment, polam, cunins, marcanziis ec.

- Tierz lunis di ogni mës: nemai, purcis ec.
- 2 novembar: gran marciât dai Sans: besteàm e zenars di ogni sorte.

Sacil - ogni joihe: besteàm, marcanziis, ec.

- 17-18-19 marz: mostre dai mobii, seramens, impres'c di contadins.
- 1 avrîl: ucel e impres'c di oselade.
- 19 avôst: gran mostre di ucel, di polam, di clans ec.
- 13-14 setembar (S. Crôs): mostre di nemai e ciavai.

San Denêl - ogni miercui: purcis, polam, formadi e marcanziis.

- Il tierz miercui di ogni mës: formadi e marcanziis.
- 28 di avôst (S. Denêl): gran marciât di nemai, ciavai ec.

Sans Zorz di Nojâr - ogni sabide: marcanziis di ogni sorte.

San Pieri al Natison - 29 jugn (S. Pieri): impres'c di contadins, tele, marcanziis.

San Vit dal Tiliment - il prin vinars di ogni mès e il tierz vinars di zenâr, fevrâr, marz, otubar, novembar e dicembar: besteâm.

— Ogni vinars: purcis, pioris e marcanziis.

— 12 e 13 jugn a Madone di Rose: besteâm.

— 5 e 6 dicembar: besteâm e marcanziis.

Scluse - 29 setembar (S. Michêl): nemai e marcanziis di ogni sorte.

Sauris - il prin lunis di mai: besteâm.

— L'ultin sabide di setembar: besteâm.

Soclêf - 25 avril (S. Marc): besteâm e marcanziis.

— L'ultin lunis di mai: besteâm e marcanziis.

— L'ultin sabide di otubar: besteâm e marcanziis.

Spilimberc - ogni sabide: polam, pomis, verduris, marcanziis.

— Il prin e il tierz sabide di ogni mès: besteâm.

— 16 avôst (S. Roc): besteâm e marcanziis.

— Il prin sabide di otubar: besteâm e marcanziis.

Tarcint - il tierz lunis di ogni mès: nemai.

— Ogni lunis, miercui, vinars: marcanziis.

— Vinars Sant: nemai, marcanziis.

— 29 jugn (S. Pieri): nemai, marcanziis.

— Ultime domenie di jugn: marciât e mostre des zariesis.

Tarvis - 29 jugn: marcanziis.

Tavagnà - 20 mai: mostre dai sparcs e ortais.

Tulmièz - 9 novembar (merciât dai Sans): besteâm e marcanziis.

Torviscose - 7 - 22 di ogni mès: marcanziis.

Travès - ogni joibe: marcanziis.

— 29 jugn (S. Pieri): tele, scarpis, impres'c di cusine, marcanziis.

Trasaghis - 24-25 marz (S. Josêf) in Alés: besteâm, marcanziis.

— 13 - 14 otubar (Madone dal Rosari) in Alés: besteâm e marcanziis.

Tresesin - il prin lunis di ogni mès: nemai, ciavai, purcis, tele, scarpis, feramente, plantis, pomis ec.

— 2 e 3 setembar: mostre e marciât di cunins, polam, cians, di ciaze, di uardie e di lusso, ucel di ogni sorte e impres'c par oselade.

Udin - il prin e il tierz joibe di ogni mès in Braide Bassi: nemai e ciavai.

- I prins 15 dis di setembar in Braide Bassi: marciât-concors di toros e torei.
 - Ogni joibe in Braide Bassi: pioris e purcis.
 - Ogni martars, joibe e sabide in Braide Bassi: lens di brusà e fen.
 - I ultins di mai e i prins di jugn in Braide Bassi: fuee di morâr.
 - Setembar e otubar in Vie Volturno: ue.
 - Ogni martars, joibe e sabide in Plaze XX Sett.: grans.
 - Ogni martars, joibe e sabide in Vie Zanon: polam.
 - Ogni martars, joibe e sabide in Vie Zanon: marcanziis di ogni sorte.
 - Ogni di in Vie Volturno: pomis e verdure.
 - Ogni di in Plaze S. Jacum: pomis, verdure, rosis, ec.
 - Otubar, novembar, dicembar in via Volturno: ciastinis.
 - 18 zenâr (S. Antoni) gran marciât in Braide Bassi: besteâm, foragios.
 - 15 fevrâr (S. Valentin) gran marciât in Braide Bassi: besteâm e foragios.
 - 24 avrîl (S. Zorz) gran marciât in Braide Bassi: besteâm, foragios.
 - 9 avost (S. Laurinz) gran marciât in Braide Bassi: besteâm e foragios.
 - 24-25 novembar (S. Caterine) gran marciât in Braide Bassi: besteâm, foragios e mil, marcanziis.
- Valvason* - il quart lunis di ogni mê: nemai e ciavai di ciâr e di lavôr.
- Vilesantîne* - 22-23 otubar: besteâm, tele, scarpis, citis, pomis ec.
- 3 dicembar: besteâm, tele, scarpis, citis, pomis ec.
- Vilevisentîne* - 4 dicembar: besteâm, grans, formadi ec.
- Vit* - la domenîe dopo il 13 dicembar a Ciasîa: purcis e marcanziis.
- 17 zenâr a Piêlunc: purcis e marcanziis.
- Il lunis dopo Pentecostis a S. Francesc: purcis e marcanziis.
- La domenîe dopo il 24 di avost a Anduins: marcanziis.
- Vivâr* - 24 jugn: purcis e marcanziis.
- Zòpule* - 25 avrîl a Ciasions: besteâm e marcanziis.
- 12 novembar: besteâm e marcanziis.

*Furlans! uardaisi ben 't al fa un afâr,
Prin de bestie scielzeit un bon sensâr....*

COMUNE DI UDINE

PIERE E MERCATI PER L'ANNO 1954

- Primo e terzo giovedì di ogni mese
- Mercato ordinario di buoi ed equini Foro Boario
- Prima quindicina di settembre -
Mercato concorso tori e torelli Foro Boario
- Fiera di S. Antonio - 16 gennaio Foro Boario
- Fiera di S. Valentino - 13 febbraio Foro Boario
- Fiera di S. Giorgio - 24 aprile Foro Boario
- Fiera di S. Lorenzo - 10 agosto Foro Boario
- Fiera di S. Caterina - 24-25 nov. Foro Boario e Piazza 1° Maggio
- Ogni giovedì - Mercato di ovini e suini Braida Bassi
- Ogni martedì, giovedì e sabato -
Mercato di legna Braida Bassi
- Ogni martedì, giovedì e sabato -
Mercato di foraggi Braida Bassi
- Mesi di maggio e giugno - Mercato di foglia di gelso Braida Bassi
- Mesi di settembre e ottobre - Mercato d'uva Via Volturno
- Ogni martedì, giovedì e sabato -
Mercato di funghi Piazza XX Settembre
- Ogni martedì, giovedì e sabato -
Mercato di pollame Via Zanon
- Ogni martedì, giovedì e sabato -
Mercato di generi diversi Via Zanon
- Tutti i giorni - Mercato all'ingrosso di frutta e verdura Via Volturno
- Tutti i giorni - Mercato al minuto di frutta e verdura Piazza G. Matteotti
- Mesi di ottobre, novembre e dicembre - Mercato all'ingrosso di castagne Via Volturno

Udine, 16 ottobre 1953

IL SINDACO
G. Centazzo

CASA DI CURA

PER OSTETRICIA E GINECOLOGIA

Specialista operatore

Dott. ADRIANO QUARANTOTTO

CONSULTAZIONI dalle ore 10 alle 12

U D I N E

Via Marangoni 8 (Porta Poscolle)

TELEFONO 38.18

ISTITUTO COMUNALE E PROVINCIALE

"di TOPPO WASSERMANN,, Collegio maschile

Fondato nel 1900

Primario Istituto di Educazione con Scuole interne: Elementari, Scuola media Governativa annessa al Collegio. I convittori iscritti al Liceo Classico, Liceo Scientifico, Istituto Tecnico per Geometri e Ragionieri, Istituto Magistrale, frequentano gli Istituti Governativi della città.

Per informazioni rivolgersi alla Direzione: **Via Gemona 92 - Tel. 6082**

Libreria Editrice "AQUILEIA,,

UDINE - Via Vittorio Veneto, 17 - Tel. 33-14

Libri di strenna - cancelleria - cornici
VASTO ASSORTIMENTO

ELIOS ORTOLANI - UDINE



Everest

UFFICI: Piazza Duomo, 5 - Tel. 24-20

NEGOZIO DI VENDITA: Via Manin 3-b
Telefono 74-38

FILIALE DI GORIZIA: Via Mazzini, 6
Telefono 29-27

MACCHINE PER SCRIVERE PORTATILI
E DA UFFICI

ADDIZIONATRICI - CALCOLATRICI
CONTABILI - CAMBI - RIPARAZIONI
OCCASIONI

SCUOLA DI DATTILOGRAFIA

La Cooperativa

ASSOCIAZIONE TABACCHICULTORI DEL FRIULI

(UDINE - VIA AQUILEIA, 4 - TELEFONO 64.98)

già al trentesimo anno di vita, estende la sua azione in tutto il Friuli coi suoi cinque stabilimenti situati in: *Fagagna, Gris di Bicinicco, Codroipo, Sacile e S. Vito al Tagliamento*, con oltre 2000 soci e circa 900 ettari di tabacco coltivati. La sua produzione, giudicata fra le migliori, è suscettibile di ulteriori perfezionamenti con l'adozione di razionali pratiche colturali secondo le prescrizioni dei tecnici della Associazione.

La parola d'ordine di un tempo: « Agricoltori coltivate tabacco! », va modificata oggi così:

**«TABACCHICULTORI COLTIVATE
RAZIONALMENTE IL TABACCO!»**

Diana & Romanelli

U D I N E

Via Teobaldo Ciconi 12 - tel. 2109

Via Piave 5 - tel. 6275 - C.C.I.A. 23382

FABBRICA BICICLETTE

Industria e commercio:

AUTOMOBILI
MOTOCICLI
VELOCIPEDI
E LORO PARTI

SERVIZIO MARELLI - BOSCH

OFFICINA ELETTROMECCANICA

per installazioni e riparazioni di apparecchi elettrici per autoveicoli e per pompe di iniezione

COMUNE DI PALUZZA

(ABITANTI 4210)

Fiere e mercati

annuali

il quart lunis di marz, setembar e novembar
il quart martars di mai e di otubar
San Jacum 25 di lui
Sant'Ane 26 di lui

Sagre di San Roc la prime domenie dopo il 16 di avost
Sagre di Place la prime domenie di setembar

CARTOLERIA
TIPOGRAFIA

D O R E T T I

U D I N E

Via Calzolari, 2 - Tel. 7797

Via di Prampero, 7 - Tel. 2407

SOCIETÀ FRIULANA

INDUSTRIA DEI VIMINI

G. GERVASONI & C.

VIA BRENARI 29 - TEL. 2628

UDINE

FABBRICA MOBILI

IN GIUNCO - MALACCA E

MIDOLLO - MOBILI CURVATI

OMBRELLONI DA SOLE

CIVIDALE

**Ferrovia - Autoservi-
zi di linea - Po-
sta - Telegrafo - Te-
lefono - Istituti
bancari - Riforni-
mento carburanti
- Pesce pubbliche**

*Fiere animali e merci varie con
parco divertimenti: 11 e 12 no-
vembre - detta di "S. Martino,,*

*Mercato di animali e merci varie,
frutta e verdura: tutti i sabato.*

*Mercato di merci, frutta e ver-
dura: tutti i martedì e i giovedì*

*Mostra dei vini tipici friulani ed
altre manifestazioni: il 24 - 25 - 26
del mese di maggio.*

Se i mercati del sabato cadono in giorno festivo, vengo-
no tenuti il giovedì precedente.

"LA VITRUM,"

di M. MARTINI

è risorta all'antico splendore

Le ultime creazioni ed il buon gusto
sono le caratteristiche di questo ormai
FAMOSO GRANDE MAGAZZINO

(IMPORTAZIONI DIRETTE)

Consorzio Agrario Provinciale

Direzione e Amministrazione:
VIA GRAZZANO 1 - TEL. 2041

Magazzino e Frigorifero:
VIA SABBADINI - TEL. 2875 - 3803

U D I N E

MERCI, SEMENTI,
TRATTORI, MACCHINE E
CARBURANTI
PER L'AGRICOLTURA

PER PRENOTAZIONI ED ACQUISTI
rivolgersi alle **FILIALI**
e **AGENZIE LOCALI**

Ditta F. MARZANO S. p. A.

VINI

U D I N E

VIA MARSALA N. 34

Telefono 6440

Lis miôr
modis e
confezions
là de



Sartoria
Tessaro & Vidoni
UDINE
TELEFONO 2406

ISTITUTO TECNICO FEMMINILE

con annessa

Scuola di avviamento professionale (a tipo industriale femminile)

« E. Blanchini »

arcivescovili - legalmente riconosciuti

UDINE - Via Grazzano 16 - tel. 6190

(con pensionato per le alunne)

CASSA DI RISPARMIO DI GORIZIA

Fondata nell'anno 1831

PROPRIA SEZIONE DI CREDITO FONDIARIO

TUTTE LE OPERAZIONI DI CASSA
DI RISPARMIO E DI BANCA

CARTOLERIA

G. B. CREMESE

di GALLIUSI e GREATTI

FONDATA NEL 1883

CARTA - CANCELLERIA
PENNE STILOGRAFICHE
NAZIONALI ED ESTERE
- RIPARAZIONI - CARTE
GEOGRAF. - LEGATORIA

Via Cavour, 12 - Telefono 27-56 - **UDINE**

Casa di Cura

ANALGO

SPECIALI CURE RAPIDE - RADICALI - INDOLORI

*Sciatica ed altre Nevralgie - Artriti - Reumatismi
Gotta - Postumi di Traumatologia*

BAGNO DI VAPORE FITOTERAPICO INOZONIZZATO

Tit. comm. ZOILO ZANUSSI

UDINE - VIA BARTOLINI - TELEF. 31.40.

HARAB - SHICK - SUMBEAN - PHILIS

KOBLER - REMINGTON

RASOI ELETTRICI - RIPARAZIONI

DANTE MASUTTI

UDINE - Via V. Veneto 38 (Via della Posta)

PROFUMERIE - COLTELLERIE - ARROTINO

Mattioni...

l'ottimo caffè

GORIZIA

UDINE

ASSICURAZIONI GENERALI

COMPAGNIA FONDATA NEL 1831

SEDE LEGALE IN ROMA

Vita - Trasporti - Incendi - Furti

Infortuni - Resp. Civile - Grandine

Rappresentanze e commissari d'avaria in tutto il mondo

BANCA POPOLARE COOPERATIVA UDINESE

Società Cooperativa a r. l. - Fondata nel 1885

Sede in UDINE - Via Cavour 24 - tel 6751

Agenzia di Città in via Roma 13-a (Staz. Ferr.) tel. 7134

*Filiali in: PALMANOVA - S. VITO AL TAGLIAMEN-
TO - GONARS - POZZUOLO DEL FRIULI - SE-
STO AL REGHENA*

*Consoziata con le Banche Cooperative Popolari di: CIVIDALE
CODROIPO - GEMONA - LATISANA - PORDENONE - TARGENTO*

ESATTORIA Consorziale di Palmanova

G. B. e F. ROMANUT

FABBRICA

MACCHINE

C A F F È

ESPRESSO



U D I N E

Via Cotonificio 11-a - tel. 6125

*Il valore del risparmio
si apprezza il giorno del bisogno*

BANCO DI TRICESIMO V. ELLERO & C.

S. A. I. T. A.

SOCIETÀ ITALIANA TRASPORTI AUTOMOBILISTICI

UDINE - Via Carducci, 16 - Tel. 25-14

PORDENONE - Corso Garibaldi, 17 - Tel. 21-76

TRIESTE - Via Mercadante, 4 - Tel. 88-90 -

Autostazione tel. 33.02

SPILIMBERGO - Telefono 104

AUTOSERVIZI DI LINEA

VIAGGI IN AUTOPULLMAN PER COMITIVE

Servizio bagagli e merci

Linea celere UDINE - VENEZIA

“ I G E A , ,

Borg di Glemone - Palaz de Casse di Risparmio

Esclusivität cinturis e ventrieris “BERNÈ,,

FRATELLI ROMANELLI

Società in accomandita semplice per
l'industria e il commercio dei legnami

LEGNAMI

Sede in UDINE

UFFICI E DEPOSITI
UDINE

VIA MILAZZO 14 - TEL. 23.29

Produzioni

Ettendorf (Carinzia)

Udine

delser

BISCOTTI - CARAMELLE

Ditta MARINO PROVVISIONATO

UDINE - Via Cavour 3-B - Telefono 2521

ARTICOLI - MATERIALE ELETTRICO - LAMPADARI

LE GRANDI FIERE DI GORIZIA

LA FIERA DI SANTILARIO

Il 16 di marzo

LA FIERA DI S. BARTOLOMEO

Interessante per la quantità e la varietà di uccelli,
ha luogo il 24 agosto

LA FIERA DI SAN MICHELE

Il lunedì successivo al 29 settembre

LA FIERA DI SANT'ANDREA

che ha inizio il lunedì successivo al 30 novembre e dura
8 giorni. Questa Fiera, molto antica e rinomata, richiama
a Gorizia folla grandissima di commercianti e agricoltori
da tutto il Friuli

Nei giorni di fiera si tiene mercato di animali.

— *E' giorno di mercato il giovedì di ogni settimana* —

Se in detti giorni cade una festa, il mercato viene dif-
ferito al giorno seguente.

ARTICOLI FOTOGRAFICI

PIGNAT

U D I N E

Apparecchi e mate-
riale sensibile delle
migliori marche. La
più vasta raccolta
fotografica di pae-
saggi, costumi e o-
pere d'arte del Friuli

VIA RAUSCEDO, 3 - TELEFONO 2729

OFFICINA AUTOMECCANICA

Cossutti Calisto & Figli

UDINE - PIAZZA CHIAVRIS 15-a - TEL. 3776

AUTORIPARAZIONI DIESEL

RICAMBI - ACCESSORI - LUBRIFICANTI

Ganci traino elastici PREDA

Ing. A. MAGINI

UDINE - Via Vittorio Veneto 44 - tel. 2683

MACCHINE ELETTRICHE - TERMICHE - IDRAULICHE

BRUCIATORI DI NAFTA

Esclusivista: **ANSALDO - S. Giorgio - Genova**

BANCA CARNICA

Società per Azioni

SEDE IN TOLMEZZO

fondata nel 1890

Recapito: PAULARO

Esattoria: AMPEZZO

BANCA DEL FRIULI

Società per Azioni - Esercizio 82°

Capitale sociale emesso e versato . L. 50.000.000

Riserve L. 200.000.000

DIREZIONE GENERALE E SEDE CENTRALE

UDINE

AGENZIA DI CITTA' N. 1 - Via Ermete di Colloredo 5 (Piazzale Osoppo) Tel. 62.88

N. 2 - Via Postolle n. 8 (Piazza del Pollame) Tel. 65.67

N. 3 - Via Roma 16 (Zona Stazione Ferroviaria) Tel. 73.50

FILIALI:

Artegnà - Aviano - Azzano X - Buia - Caneva di
Saclé - Casarsa della Delizia - Cervignano del
Friuli - Cividale del Friuli - Codroipo - Conegliano
- Cordenons - Cordovado - Cormons - Fagagna -
Gemona del Friuli - Gorizia - Gradisca d'Isonzo -
Grado - Latisana - Maniago - Mereto di Tomba -
Moggio Udinese - Monfalcone - Montebelluna -
Mortegliano - Ovaro - Palmanova - Paluzza -
Pavia di Udine - Pontebba - Pordenone - Porto-
gruaro - Prata di Pordenone - Saclé - S. Daniele
del Friuli - S. Donà di Piave - S. Giorgio di Livenza
- S. Giorgio di Nogaro - S. Vito al Tagliamento -
Spilimbergo - Talmassons - Tarcento - Tarvisio -
Torre di Brezice - Torviscosa - Tricesimo - Trieste - Val-
vasone - Vittorio Veneto

RECAPITI:

Clauzetto - Faedis - Lignano Bagni - Meduno -
Polcenigo - Travesio - Venzone

ESATTORIE CONSORZIALI:

Aviano - Meduno - Moggio Udinese - Nimis - Ova-
ro - Paluzza - Pontebba - Pordenone - San Da-
niele del Friuli - San Giorgio di Nogaro - San
Vito al Tagliamento - Torviscosa

Telegr.: Direz. Gen. e Sede Centrale: FRIULBANCA
Filiali: Banca Friuli

Tel. Udine Centrale 24.51 - 21.78

Depositi fiduciari: oltre undici miliardi

ZOILO BERNARDIS

Via Sottomonte 5 - tel. 7391

U D I N E

PIANOFORTI - ORGANI DA CHIESA - ARMONIUM - RADIO - FISARMONICHE

Cambi - Noleggi - Vendite - Riparazioni - Accordature

RAPPRESENTANTE DELLE MIGLIORI FABBRICHE ESTERE E NAZIONALI

LUIGI MONTALBANO

OREFICERIA - OROLOGERIA - ARGENTERIA

UDINE - VIA CAVOUR 26-b (Portici Palazzo Istituto Naz. Assicurazioni)

MOBILI

Torossi

Fabbrica e

Mostra permanente

VIA GEN. BALDISSERA, 13 - TELEFONO 61.31

U D I N E

COMMISS

FIAT

SIONARIA

RICAMBI
LUBRIFICANTI
OFFICINA ASSISTENZA
APPARECCHI ELETTRODOMESTICI

S. A. R. L.

Telef. 3876 - Ufficio Vendite
6181 - Amministr. e Abitazione
UDINE - VIA TREPPO N. 22

G. BOLGERI & A. - L. CLOCCHIATTI

AUTOVETTURE AUTOCARRI
VENDITE RATEALI SAVA
UFFICIO VENDITE - TEL. 3876

**CARBONE
COKE**

ottima qualità
asciutto
senza polvere
alle migliori
condizioni
presso la

OFFICINA COMUNALE DEL GAS - UDINE

VIA BERSAGLIO N. 1 - TELEFONO N. 6151

E' utile ricordare che il . . .

**PIBIGAS**

SI TROVA OVUNQUE
IN BOTTIGLIE VERDI

OTTIMO IL GAS
OTTIMO IL SERVIZIO
ACQUISTATE
OVUNQUE IL

**PIBIGAS**

Concessionaria: **IGNIREX** s. r. l.
UDINE - Via V. Veneto 48 - Tel. 24.08

ALTRE 300 STAZIONI DI SERVIZIO
NELLE PROVINCE DI UDINE E GORIZIA

*Ogni bon agricultôr
cal si strussie sul lavôr*

*sal si cjol «CONTADINELE»
si la giold ta la taviele*

*E par dût a l'è un plasè
co' lavorin lui e je.*

CONTADINELLA

AUTOMOTRICE AGRICOLA 12 HP

con motore a nafta oppure a petrolio

R. SCARTON
UDINE


Distilleria
CANCIANI
&
CREMESE

di P. VITTORI
& FIGLI
GORIZIA

Liquori di lusso

SPECIALITÀ

CIOCCOLAT'OVO
AMARO BIANCO



Dr. J. C. Foy

1880

CREMESE

1880

1880

1880

1880

1880

1880

1880

1880

1880

